



КАНОН
ЗА БОЛЯЩЕГО

МОЛИТВЫ
СВЯТЫМ УГОДНИКАМ
ОБ ИСЦЕЛЕНИИ БОЛЕЗНЕЙ



КАНОН
ЗА БОЛЯЩЕГО

МОЛИТВЫ
СВЯТЫМ
УГОДНИКАМ
ОБ ИЩЕЛЕНИИ
БОЛЕЗНЕЙ

*Печатается
по благословению
Архиепископа Пермского
и Соликамского Афанасия*

**Господи Исусе Христе,
Сыне Божий, молитв ради
Пречистыя Твоея Матере
и всех святых, помилуй нас.
Аминь.**

КАНОН ЗА БОЛЯЩЕГО

Боже, милостив буди мне грешному
(поклон).

Боже, очисти грехи моя и помилуй мя
(поклон).

Создавый мя, Господи, помилуй мя (поклон).

Без числа согреших, Господи, прости
меня (поклон).

Владычице моя Пресвятая Богородице,
спаси мя грешного (поклон).

Ангеле Хранителю мой святой, от всякого
зла сохрани мя (поклон).

Святой (имя рек) моли Бога о мне (поклон).

Молитвами святых отец наших Господи
Иисусе Христе Боже наш, помилуй нас.
Аминь.

Слава Тебе, Боже наш, слава Тебе.

Царю небесный, Утешителю, Душе истины,
Иже везде сый и вся исполняяй,
Сокровище благих и жизни Подателю,
прииди и вселися в ны, и очисти ны от всякия
скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас (*трижды*).

Слава Отцу и Сыну и Святому Духу, и ныне и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша имене Твоего ради.

Господи, помилуй (*трижды*).

Слава, и ныне:

Отче наш, Иже еси на Небесех! Да святится имя Твое, да приидет Царствие Твое, да будет воля Твоя, яко на небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй (*12 раз*).

Слава и ныне:

Приидите, поклонимся Цареву нашему Богу.

Приидите, поклонимся и припадем Христу, Цареву нашему Богу.

Приидите, поклонимся и припадем Самому Христу, Цареву и Богу нашему.

КАНОН (глас 3)

Песнь 1

Ирмос: Пресекаемое море жезлом древле, Израиль пройде яко по пустыни, и крестообразно яве предуготовляет стези. Сего ради поим во хвалении чудному Богу нашему, яко прославися.

Припев: Милостиве Господи, услыши молитву раб своих, молящихся Тебе.

В день печали, нашедшая на ны, к Тебе, Христе Спасе, припадающе, Твоя милости просим. Облегчи болезнь раба Твоего, изреки нам яко и сотнику: иди, се здрав есть отрок твой.

Мольбы и моления, с воздыханием к Тебе вопием, Сыне Божий помилуй нас. Воздвигни со одра лежащего, яко ослабленного словом: возьми одр твой, глаголя, отпускаются ти греси твои.

Слава:

Твоего, Христе, образа подобию поклоняющиеся, верою целуем, и болящему

здравия просим, подражающе кровоточивей, яже подольца риз Твоих коснуса, и исцеление недуга прият.

И ныне:

Пречистая Госпоже Богородице, всем известная Помощница, не презри нас к Тебе припадающих, моли яко блага Своего Сына и Бога нашего, дати здравие болящему, да Тя с нами прославляет.

Песнь 3

Ирмос: Иже от не сущих вся приведый, словом созидаемая, совершаемая духом, Вседержителю Вышний, в любви Твоей утверди мене.

Иже от тяжких болезней на земли повержен, к Тебе, Христе, с нами вопиет, подаждь здравие телеси его, яко же Иезекии плакавшуся к Тебе. Призри, Господи, на наше смирение, и не помяни беззаконий наших, но веры ради болящего, яко прокаженного словом исцели ему болезнь, да Твое, Христе Боже, славится Имя.

Слава:

Церковь, юже еси освятил, на ту, Христе, не даждь поношения, но воздвигни невидимо в недуге на одре лежащего, в нейже молимтися: да не рекут невернии, где есть Бог их.

И ныне:

К твоему пречистому, Богородице, образу руце воздеюще вопием, услыши раб Твоих молитву и спаси в болезни лежащего, да от болезни восстав, воздаст обеты, яже в печали глаголаша уста его.

Седален, глас 8

На одре греховнем лежаща мя, и страстьми уязвена, и якоже воздвигл еси Петрову тещу и спасе расслабленного носима со одром, тако и ныне посети, Милостиве, болящего, понесый недуги рода нашего. Тебе Единого вемы, терпелива и милосерда, милостива врача душам и телесем, Христа Бога нашего, наводяща недуги и паки исцеляюща, подавающая прощение кающимся о согрешениях, Единого Милосердаго и Милостиваго.

Слава:

Аз грешный плачуся на одре своем лежа, прощение ми подаждь, Христе Боже, и от болезни сея возвигни мя, и яже есмь от юности грехи сотворил, избыти ми сих молитвами Богородицы сих даруй.

И ныне:

Умилосердися и спаси мя, воздвигни мя от одра болезненного, мощь бо моя во мне изнеможе и весь нечаянием одержим есмь, Мати Божия Пречистая, исцели недугующа люте, Ты бо еси помощница христианом.

Песнь 4

Ирмос: Положил еси к нам твердую любовь Господи: Единородного бо Твоего Сына за ны на смерть дал еси, темже Ти зовем благодаряще: слава силе Твоей Господи.

Уже отчаянна лютым недугом и к смерти приближившася, возврати, Христе, на живот и даждь плачущимся утеху, да вси прославляем Твоя святая чудеса.

В Тебе, Творче, каемся во своих гре-

сех, яко не хочеши смерти грешници, оживи, уздрави болящаго, да востав послужит Ти, исповедуя с нами Твою благодать.

Слава:

Слезы Манасиины, Ниневитян покаяние. Давидово исповедание приим, вскоре спасл еси, и наши молитвы ныне приими, даждь здравие болящему, о немже Тя молим.

И ныне:

Подаждь нам Твою милость, Госпоже, всегда на Тя надеющимся, испроси здравие болящему, врачевнеи Твои руце с Предтечею, Богородице, ко Господу Богу простирающи.

Песнь 5

Ирмос: На земли невидимый явился еси, и человеком волею сожил еси не постижимый, и к Тебе утренююще, воспоем Тя, Человеколюбче.

Дщерь Иаиорову уже умершу, яко Бог оживил еси, и ныне возведи, Христе Боже, от врат смертных болящаго, Ты бо еси путь и живот всем.

Сына вдовича оживив Спасе, и тоя слезы преложив на радость, спаси от недуга тлеющего раба Своего, да и наша скорбь и болезнь на радость приидет.

Слава:

Огненну болезнь тещи Петрове прикосновением Твоим исцелив, и ныне встави болящего раба Твоего, да востав яко Иона, послужит Ти.

И ныне:

Скорбнии, смирении, грешнии, не имущии дерзновения к Тебе, Пречистая Богмати, вопием, умоли Сына Своего Христа дати болящему здравие телеси.

Песнь 6

Ирмос: Бездна последняя грехов обыде мя, и исчезает дух мой: но прострый, Владыко, высокую твою мышцу, яко Петра мя, Управителю, спаси.

Бездну милосердия и милости имея, Христе Боже, услыши моления раб Твоих. Ты бо еси Петром Тавифу воскресив, Ты и ныне в болезни лежащего воздвигни, послушав церковных молитвенник.

Врачу душам и телесем нашим, поне-
сый недуги всего мира, Христе, и Енея
Павлом исцеливый, Ты и ныне болящего
исцели святых Апостол молитвами.

Слава:

Преложи, Христе, на радость рыдание
о недужном, скорбящем, да Твою получив-
ши милость, внидут в дом Твой со обет-
ными дарми, славяще Тя в Троице Еди-
ного Бога.

И ныне:

Приидите, о друзи, поклонимся моля-
щегося о болящем Божией Матери. Та бо
имеет власть недужныя исцеляти, со без-
мездником вкупе, духовным невидимо
помазающе маслом.

Кондак, глас 3

Душу мою, Господи, во гресех всячес-
ких, безместными деяньми расслаблену
воздвигни божественным Своим челове-
колюбием, яко же и расслабленного воз-
двигл еси древле, да зову Ти спасаем:
щедре Христе, даждь ми исцеление.

Икос

Иже руки Своя горстию содержай концы, Иисусе Боже, Иже Отцу собезначальный и Духу Святому совладычествуя яко плотию, явился еси недуги исцеляя и страсти очистил еси, слепыя просветил еси, и расслабленного словом Божественным сооставил еси, сего право ходяща сотворив и одр повелел еси на раму взяти. Тем же вси с ним воспеваем и поем: щедре Христе даждь ми исцеление.

Песнь 7

Ирмос: Прежде образу златому, персидскому чтилищу отроцы не поклонившася, трие поюще посреде пещи: отцев Боже, благословен еси.

О, Кресте Пресвятый Христов, честное Древо Животное, Тобою смерть погибе и мертвии воскресоша, и ныне болящего исцели и оживи, якоже при Елене умершую девицу.

Долгую и лютую болезнь Иовлю на гноищи и в червех, того молящася, словом

исцелил еси, Господи. И ныне же в церкви о болящем молим Тя, яко благ исцели невидимо молитвами Святых Твоих.

Слава:

Вси вемы, яко умрети нам есть, Тебе Богу тако изволившу, но на мало время, Милостиве, здравия просим болящему, примени от смерти на живот, даждь скорбящим утеху.

И ныне:

Пособствуй и помогай нашему сиротству, Богородице, Ты бо веши время и час, когда умолиши Сына Своего и Бога нашего, дати болящему здравие и прощение от всех грех.

Песнь 8

Ирмос: Служити Живому Богу, в Вавилоне отроцы претерпевше, о мусикийских органах нерадиша, и посреде пламене стояще, боголепную песнь воспеваху, глаголюще: благословите вся дела Господня Господа.

Милость покажи, Владыко, в болезни раба Твоего, и скоро исцели, милостиве

Христе Боже, и еще смерти не предаждь судней, да Ти покаяние воздаст. Сам бо рекл еси: не хочу смерти грешници.

Господи милостиве, Твоя преславная чудеса да и до нас ныне достигнут: бесы прожени, недуги погуби, раны исцели, болезни уврачуй, и потворы и чародеяния и всякия язи избави ны.

Слава:

Запретивый, Христе, морским ветром, и страх ученик на радость преложивый, и ныне запрети тяжким болезнем, труждающим раба Твоего, да вси возвеселимся хваляще Тя во веки.

И ныне:

Избави, Богородице, от обышедших ны печалей, различных недугов, отравы же и чародейства, и бесовского мечтания и от навета злых человек и от смерти, молимтися.

Песнь 9

Ирмос: На Синайстей горе виде Тя в купине Моисей, неопально огонь Божества заченшую во чреве: Даниил же Тя виде

гору несекомую, жезл прозябший, Исайа
взываше, от корене Давидова.

Источниче жизни, подателю Христе,
милости, не отврати лица Твоего от нас.
Облегчи болезнь утружденному болез-
нию, и воздвигни яко Фаддеем Авгаря, да
присно Тебе славит со Отцем и Святым
Духом.

Евангельскому верующе гласу, Твоего
ищем обета, Христе: просите, бо рече, и
дастся вам. Тем и ныне предстояще мо-
лим Тя, востави со одра здрава лютым
повержена недугом, да Тя с нами вкупе
величает.

Слава:

Мучимый недугом, внутрь невидимы-
ми ранами, Тебе Христе, с нами вопием,
не нам, Господи, не нас ради, вси бо мы
исполнены грехов, но Матерними Твоими
и Предтечевыми молитвами даждь
исцеление болящему, да Тя вси возвели-
чим.

И ныне:

Божия Мати Пречистая, со всеми Свя-
тыми призываем Тя, со Ангелы и Архан-

гелы, с пророки и патриархи, со Апосто-
лы, с преподобными и праведными моли-
мося Христу Богу нашему дати здравие
болящему, да Тя вси величаем.

МОЛИТВА

Боже сильный, милостию строяй вся
на спасение роду человеческому, посети
раба Своего сего (имярек), нарицающа
имя Христа Твоего, исцели его от всякого
недуга плотскаго: и отпусти грех и грехов-
ная соблазны, и всяку напасть, и всяко
нашествие неприязнено далече сотвори
от раба Твоего. И воздвигни от одра гре-
ховнаго, и устрой его во святую Твою Цер-
ковь здрава душою и телом, и дела до-
брыми славящаго со всеми людьми имя
Христа Твоего, яко Тебе славу возсыла-
ем, со Безначальным Ти Сыном, и со Свя-
тым Духом, ныне и присно и во веки ве-
ков. Аминь.

Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава, и ныне:

Господи, помилуй (3 раза).

Молитвами святых отец наших Господи Иисусе Христе Боже наш, помилуй нас. Аминь.

Боже, очисти мя грешного и помилуй мя (поклон).

Создавый мя Господи, помилуй мя (поклон).

Без числа согреших, Господи, прости мя (поклон).

Кресту Твоему поклоняемся, Владыко, и Святое Воскресение Твое славим (поклон).

МОЛИТВЫ ЗА БОЛЯЩИХ

Молитва первая

Сирот Отче, и обуреваемых пристанище, и недугующих Врачу, немощи наша неболезенно носяй, и недуги наша приемляй, Сам Преблагий Царю, и Спасителю Христе Иисусе, прими молитву нас недостойных: якоже приял еси молитву жены Хананейския о дщери ея недугующей: и якоже во дни земнаго жития Твоего исцелял еси всякия недуги душевныя и телесныя: сице и ныне, Преблагий Владыко, исцели ны, молящихся Ти, яко благо и человеколюбец.

Господи, помилуй (*трижды*).

Молитва вторая

Господи Боже наш, наказуй и паки исцеляй, воздвизай от земли нища, и от гноища возвышай убогаго, милостивне исцелял еси болящия, и немощныя, и хромыя, и сухия, отпустив им грехи. И ныне рабом Твоим, в немощи душевной и телесней зле страждущим, исцеление даруй, подавая нам оставление грехов: и уврачуй

всякую язву, всякий недуг и всяку болезнь нашу. Ты бо еси надежда ненадеющихся и упокоение труждающихся, и обремененных в беззакониях: и Тебе славу возсылаем со Безначальным Твоим Отцем, и Пресвятым Духом, во веки, аминь.

Молитва в болезни

Господи Боже, Владыко жизни моей, Ты по благодати Твоей сказал: не хочу смерти грешника, но чтоб он обратился и жив был. Я знаю, что эта болезнь, которою я страдаю, есть наказание Твое за мои грехи и беззакония; знаю, что по делам моим я заслужил тягчайшее наказание, но, Человеколюбче, поступай со мною не по злобе моей, а по беспредельному милосердию Твоему. Не пожелай смерти моей, но дай мне силы, чтобы я терпеливо сносил болезнь, как заслуженное мною испытание, и по исцелении от нее обратился всем сердцем, всею душою и всеми моими чувствами к Тебе, Господу Богу, Создателю моему, и жив был для исполнения святых Твоих заповедей, для спокойствия

моих родных и для моего благополучия.
Аминь.

Молитва на всякую немощь

Владыко Вседержителю, врачу душ и телес, смиряяй и возносяй, наказуяй и паки изцеляяй, брата нашего (*имя*) немощствующа посети милостию Твоею, прости мышцу Твою, исполнену изцеления и врачбы, и изцели его, возставляяй от одра и немощи, запрети духу немощи, остави от него всяку язву, всяку болезнь, всяку рану, всяку огневицу и трясавицу. И аще есть в нем согрешение или беззаконие, ослаби, остави, прости, Твоего ради человеколюбия.

Молитва за немощного и неспящего

Боже Великий, хвальный и Непостижимый, и Неисповедимый, создавый человека рукою Твоею, персть взял от земли и образом Твоим почтйвый его, явися на рабе Твоем (*имя*) и даждь ему сон успокоения, сон телесный, здоровья и спасения

живота, и крепость душевную и телесную. Сам убо, Человеколюбче Царю, представи и ныне наитием Святаго Твоего Духа, и посети раба Твоего (*имя*), даруй ему здравие, крепость и благомощие Твоею благостию: яко от Тебе есть всяко даяние благо и всяк дар совершён. Ты бо еси Врач душ наших, и Тебе славу, и благодарение, и поклонение возсылаем со Безначальным Твоим Отцем и с Пресвятым и Благим и Животворящим Твоим Духом, ныне и присно и во веки веков. Аминь.

Молитва во время эпидемии

Господи Боже наш! Услышь с высоты святаго Твоего Престола нас, грешных и недостойных рабов Твоих, благость Твою грехами своими прогневавших и милосердие Твое удаливших, и не взыскивай с рабов Твоих, но отврати страшный гнев Твой, справедливо нас постигший, прекрати пагубное наказание, удали страшный меч Твой, невидимо и безвременно нас поражающий, и пощади несчастных и слабых

рабов Твоих, и не обрекай на смерть души наши, в покаянии прибегающие с истомленным сердцем и со слезами к Тебе, Богу Милосердому, мольбам нашим внимающему и перемену подающему. Ибо Тебе (*одному только*) принадлежит милость и спасение, Боже наш, и Тебе славословие приносим, Отцу и Сыну и Святому Духу, ныне и присно и во веки веков. Аминь.

Молитва болящей

Господи, видишь Ты мою болезнь. Ты знаешь, как я грешна и немощна; помоги мне терпеть и благодарить Твою Благодать. Господи, сотвори, чтобы болезнь эта была в очищение многих моих грехов. Владыко Господи, я в руках Твоих, помилуй меня по воле Твоей и, если мне полезно, исцели меня вскоре. Достойное по делам моим приемлю; помяни мя, Господи, во Царствии Твоем! Слава Богу за все!

Молитва болящего 1-я

Господи, сотвори, чтобы болезнь эта была в очищение многия грехов моих.

Молитва болящего 2-я

Господи, Ты видишь мою болезнь, Ты знаешь, как я грешен и немощен, помози мне терпеть и благодарить Твою благодать.

Господи, прости и помоги.

Молитва об исцелении больного

О, Премилосердый Боже, Отче, Сыне и Святый Душе, в Нераздельней Троице покланяемый и славимый, призри благоутробно на раба Твоего (*имя*), болезнию одержимаго; отпусти ему вся согрешения его; подай ему изцеление от болезни; возврати ему здравие и силы телесныя; подай ему долгоденственное и благоденственное житие, мирные Твоя и премирные блага, чтобы он вместе с нами приносил благодарные мольбы Тебе, Всещедрому Богу и Создателю моему.

Пресвятая Богородица, всесильным заступлением Твоим помоги мне умолить Сына Твоего, Бога моего, об исцелении раба Божия (*имя*).

Все святые и ангелы Господни, молитесь Бога о больном рабе Его (*имя*). Аминь.

Молитва иная

Владыко, Вседержителю, святой Царю, наказуй и не умерщвляй, утверждая низпадающих и возводя низверженные, телесныя человеков скорби исправляя, молимся Тебе, Боже наш, раба Твоего (*имярек*) немощствующа посети милостию Твоею, прости ему всякое согрешение вольное и невольное. Ей, Господи, врачевную Твою силу с небесе низпосли, прикоснися телеси, угаси огневицу, укроти страсть и всякую немощь таяющуюся, буди Врач раба Твоего (*имярек*), воздвигни его от одра болезненного и от ложа озлобления цела и всесовершенна, даруй его Церкви Твоей благоугождающа и творяща волю Твою. Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва

Пресвятой Богородице

Божия Мати Пречистая, со всеми святыми призываем Тя, со ангелы и арханге-

лы, с пророки и патриархи, со апостолы, с преподобными и праведными молися Христу Богу нашему дати здравие болящему, да Тя вси величаем.

(Из канона)

Молитва

до и после чтения Евангелия

Каждый день нужно читать по одной главе Евангелия, а перед и после главы — эту молитву:

Спаси, Господи, и помилуй раба Твоего (имя) словами Божественного Евангелия, чтимыми о спасении раба Твоего. Попали, Господи, терние всех его согрешений, и да вселится в него благодать Твоя, опаляющая, очищающая, освящающая всего человека во имя Отца и Сына и Святаго Духа. Аминь.

Молитва

благодарственная, читаемая после исцеления от болезни

Слава Тебе, Господи, Иисусе Христе, Сыне Единородный Безначального Отца,

едине изцеляяй всяк недуг и всяку язю в людех, яко помиловал мя еси грешнаго и избавил еси мя от болезни моей, не попустив ей развиться и умертвить меня по грехам моим. Даруй мне отныне, Владыко, силу твердо творить волю Твою во спасение души моя окаянная и во славу Твою со Безначальным Твоим Отцем и Единосущным Твоим Духом, ныне и присно и во веки веков. Аминь.

Псалом 40

Блажен разумеваая на нища и убога, в день гнѣвъ избавит его Господь. Господь да сохранит его и живит его, и да ублажит его на земли, и да не предаст его в руки врагов его. Господь да поможет ему на одре болезни его: все ложе его обратил еси в болезни его. Аз рех: Господи, помилуй мя, исцели душу мою, яко согреших Ти.

**МОЛИТВОСЛОВИЯ
СВЯТЫМ УГОДНИКАМ БОЖИИМ, ИХЖЕ
МОЛИТВАМИ И ПРЕДСТАТЕЛЬСТВОМ
ОБЛЕГЧАЮТСЯ И ИСЦЕЛЯЮТСЯ
ТЕЛЕСНЫЕ БОЛЕЗНИ
И ДУШЕВНЫЕ НЕДУГИ
СТРАЖДУЩИХ ХРИСТИАН**

**ГОЛОВНЫЕ БОЛЕЗНИ
Пророку, Предтече
и Крестителю Господню ИОАННУ
Тропарь, глас 2:**

Память праведнаго с похвалами, тебе же довлеет свидетельство Господне, Предтече: показал бо ся еси воистинну и пророков честнейший, яко и в струях крестити сподобился еси Проповеданнаго. Темже за истину пострадав, радуясь, благовестил еси и сущим во аде Бога, явльшагося плотию, вземлющаго грех мира и подающаго нам велию милость.

Кондак, глас 5:

Предтечево славное усекновение
смотрение бысть некое Божественное, да

и сущим во аде Спасово проповестъ пришествие. Да рыдает убо Иродия, незаконное убийство испросивши: не закон бо Божий, ни живой век возлюби, но притворный, привременный.

Молитва

Крестителю Христов, проповедниче покаяния, кающагося не презри мене, но, совокупляясь с вои Небесными, молися ко Владыце за мене, недостойнаго, унылаго, немощнаго и печальнаго, во многия беды впадшаго, утружденнаго бурными помыслы ума моего.

Аз бо есмь вертеп злых дел, отнюдь не имеяй конца греховному обычаю, пригвожден бо есть ум мой земным вещем. Что сотворю, не вем, и тебе, святой Иоанне, благодати тезоимените, яко ты пред Господем, по Богородице вем больша быти рожденных всех; ты бо сподобился еси коснуться верху Царя Христа, вземлющаго грехи мира, Агнца Божия, Егоже моли за грешную мою душу, да поне от ныне, в первыйнадесять час, понесу тя-

готу благу и прииму мзду с последними.

Ей, Крестителю Христов, честный Предтече, крайний пророче, первый во благодати мучениче, постников и пустынных наставниче, чистоты учителю и ближний друже Христов, тя молю, к тебе прибегаю, не отрини мене от твоего заступления, но возстави мя, падшагося многими грехи, обнови душу мою покаянием, яко вторым крещением омываяй грех, покаяние же проповедуяй во очищение коегождо от дел скверных; очисти убо мя, грехми оскверненнаго, и понуди внити, аможе ничтоже скверно входит в Царствие Небесное. Аминь.

ГЛАЗНЫЕ БОЛЕЗНИ

***Пресвятой Владычице нашей
Богородице и Присногеве Марии,
ради Ея честныя иконы,
именуемой «КАЗАНСКАЯ»***

Тропарь, глас 4:

Заступнице усердная, Мати Господа
вышняго, за всех молиши Сына Твоего,
Христа Бога нашего, и всем твориши спа-

стися, в державный Твой покров прибегающим. Всех нас заступи, о Госпоже, Царице и Владычице, иже в напастех, и скорбех, и в болезнях обремененных грехи многими, предстоящих и молящихся Тебе умиленною душою и сокрушенным сердцем пред пречистым Твоим образом со слезами и невозвратно надежду имущих на Тя, избавления всех зол, всем полезная даруй и вся спаси, Богородице Дево: Ты бо еси Божественный Покров рабом Твоим.

Кондак, глас 8:

Притецем, людие, к тихому сему и доброму пристанищу, скорой Помощнице, готовому и теплomu спасению, покрову Девы, ускорим на молитву и потщимся на покаяние: источает бо нам неоскудная милости Пречистая Богородица, предваряет на помощь и избавляет от великих бед и зол благонравныя и богобоящаяся рабы Своя.

Молитва

О Пресвятая Госпоже Владычице Богородице! Со страхом, верою и любовью припадающе пред честною иконою Твоею, молим Тя: не отврати лица Твоего от прибегающих к Тебе, умоли милосердая Мати, Сына Твоего и Бога нашего, Господа Иисуса Христа, да сохранит мирну страну нашу, Церковь Свою Святую да незыблему соблюдет от неверия, ересей и раскола. Не имамы бо иныя помощи, не имамы иныя надежды, разве Тебе, Пречистая Дево; Ты еси всесильная христиан Помощница и Заступница. Избави всех с верою Тебе молящихся от падений греховных, от навета злых человек, от всяких искушений, скорбей бед и от напрасныя смерти; даруй нам дух сокрушения, смирение сердца, чистоту помышлений, исправление греховная жизни и оставление прегрешений, да вси благодарне воспевающе величия Твоя, сподобимся Небеснаго Царствия и тамо со всеми святыми прославим пречестное и великолепое Имя Отца, и Сына, и Святаго Духа. Аминь.

**Пресвятей Владычице нашей Богородице и Приснодеве Марии, ради Ея честныя иконы, именуемой
«ТИХВИНСКАЯ»**

Тропарь, глас 4:

Днесь яко солнце пресветлое, возсия нам на воздухе всечестная икона Твоя, Владычице, лучами милости мир просвещаючи, юже Великая Россия, яко некий Божественный дар свыше благоговейне восприимши, прославляет Тя, Богомати, всех Владычицу, и от Тебе рождашася Христа Бога нашего величает радостно. Емуже молися, о Госпоже Царице Богородице, да сохранит вся грады и страны христианския невредимы от всех навет вражиих и спасет верно поклоняющихся Его Божественному и Твоему пречистому образу, Дево Неискусобращная.

Кондак, глас 8:

Притецем, людие, к Девей Богородице Царице, благодаряще Христа Бога, и, к Тоя чудотворней иконе, умильно взираючи, припадем и возопием Ей: о Влады-

чице Марие, присетивше страну сию Твоего честного образа явлением чудесно, и вся христиане, наследники показующи Небесная жизни, Тебе бо верно зовем: радуйся, Дево, мира спасение.

Молитва

Благодарим Тя, о Преподобная и Пречистая, Преподобословенная Дево, Владычице, Мати Христа Бога нашего, о всех благодеяниях Твоих, яже показала еси роду человеческому, наипаче же нам, христоменимым людям Российскаго народа, о нихже ниже самый ангельский язык к похвалению доволен будет, якоже и ныне удивила еси неизреченную Свою милость на нас, недостойных рабех Твоих, преестественным самопришествием пречистая Твоя иконы, еюже всю просветила еси Российскую страну. Темже и мы, грешнии, со страхом и радостию покланяющиеся, вопием Ти: о Пресвятая Дево, Царице и Богородице, спаси и помилуй Святейшаго Патриарха Московскаго и всея Руси, архиереи же и вся люди, и подаждь стра-

не победы на вся враги, и сохрани вся грады и страны христианския, и сей свя-
тый храм от всякаго навета вражия изба-
ви, и всем вся на пользу даруй, ныне при-
шедшим с верою и молящимся рабом
Твоим, и покланяющимся пресвятому об-
разу Твоему, яко благословенна еси с рож-
дшимся от Тебе Сыном и Богом ныне, и
присно, и во веки веков. Аминь.

Мученику ЛОНГИНУ Сотнику

Кондак, глас 4:

Весело возрадовася Церковь в памя-
ти днесь приснопамятнаго страдальца
Лонгина, взывающи: Ты моя держава,
Христе, и утверждение.

Молитва

О, святой мучениче Лонгине! Пилатом
повелено тебе было с воинами стать на
страже при кресте Господа Иисуса. Ты же,
недуговав очима и исцелев от капли кро-
ви Господа, капнувшей тебе в очи, обрел
и духовное прозрение и, видя чудеса, при
распятии Господа происходившие, и трус,

и солнечное затмение, и мертвых из гробов воскресение, исповедал явно Иисуса Христа Сыном Божиим. И с кустодиею у гроба Господня находясь, и Воскресение Христово в трепете зря, сребренники, даваемые синедрионом за скрытие воскресения, ты отверг и, Христа проповедавав, во главу усечен быв. И по усечении главы вдове некоей, очима недуговавшей, во сне явившись, и ей, обретшей честную главу твою, прозрение даровал еси.

Молим тя, святой мучениче Христов Лонгине, болящим очима яви скорую помощь твою и исцели их, дабы, освободившись от недуга своего, не захотели они видеть ничего, распаляющего сластолюбие, но к созерцанию духовной красоты устремились, славя Бога. Аминь.

***Праведному СИМЕОНУ,
Верхотурскому Чудотворцу
Тропарь, глас 4:***

Мирскаго мятежа бегая, все желание обратил еси к Богу, да в видения восход обрящеши горе, отнюдуже не уклонився

в лукавствия сердца, но очистив душу и тело, приял еси благодать точити цельбы верным и неверным, притекающим к тебе, праведный Симеоне. Темже, по данному ти дару, испроси у Христа Бога исцеление нам, болящим душевными страстями, и моли спасти души наша.

Кондак, глас 2:

Мира суетнаго отверглся еси, да блага вечныя жизни наследishi, возлюбив незлобие и чистоту души и тела. Снискал еси, еже возлюбил, свидетельствуют бо о сем гроб и нетление мощей твоих, и благодать чудотворения наипаче. Точиши бо цельбы всем притекающим к тебе и непросвещенным, Симеоне блаженне, чудотворче предивный.

Молитва

О, святой и праведный Симеоне, чистою душею твоею в Небесных обителях в лице святых водворяйся, на земли же с нами неотступно пребываяй. По данной ти благодати от Господа молитися о нас,

милостивно призри на нас многогрешных, аще и недостойне, обаче с верою и упованием к тебе притекающих, и испроси нам от Бога прощение согрешений наших, в няже впадаем множицею во вся дни жития нашего. И якоже прежде овым убо от очныя зельныя болезни ни мало зрети могущим исцеление очес, овым же близ смерти бывшим от лютых недугов врачевание, и иным иная многая преславная благодеяния даровал еси: сице избави и нас от недугов душевных и телесных и от всякия скорби и печали, и вся благая к настоящему житию нашему и к вечному спасению благопотребная нам от Господа испроси, да тако твоим предстательством и молитвами стяжавше вся нам полезная, аще и недостойнии, благодарне восхваляюще тя, прославим Бога, Дивнаго во святых Своих, Отца и Сына и Святаго Духа, ныне и присно и во веки веков. Аминь.

**Святителю АЛЕКСИЮ,
митрополиту Московскому
и всея России**

Тропарь, глас 8:

Яко светоносная возсия днесь память твоя, славне, верных озаряючи души и телеса, и исцеления струи Богоприятными ти молитвами источаеши, отче святителю Алексие, темже тя молим яко архиереом сопрестольна и чудодейственника изрядна, иже Христову Престолу предстояй, о нас не оскудевай моляся спастися душам нашим.

Кондак, глас 8:

Божественнаго и пречестнаго святителя Христова, новаго чудотворца Алексия, верно вси поюще, людие, любовь да ублажим, яко пастыря великаго, служителя же и учителя премудра земли Российстей. Днесь, в память его притекше, радостно возопием песнь Богоносному: яко имея дерзновение к Богу, многообразных нас избави обстояний, да зовем ти: радуйся, утверждение граду нашему.

Молитва

О, пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Алексие! Предстоя у Престола всех Царя и наслаждаяся Света Единосущныя Троицы и херувимски со Ангелы возглашая песнь Трисвятую, великое и неизследованное дерзновение имея ко Всемилостивому Владыце, молися паствы твоя спасти люди, едиnorodный ти язык, благостояние святых церквей утверди, архиереи благолепием святительства украси, монашествующих к подвигом добраго течения укрепи: град сей (или: весь сию: аще во обители: святую обитель сию) и вся грады и страны добре сохрани и веру святую непорочну соблюсти умоли: мир весь умири, от глада и пагубы избави ны и от нападения иноплеменных сохрани нас: старыя утеши, юныя научи, безумныя умудри, вдовицы помилуй, сироты заступи, младенцы возрасти, немощствующия исцели и везде тепле призывающих тя и

с верою притекающих к раце честных и многоцелебных мощей твоих, усердно припадающих и молящих ти ся, от всяких напастей и бед ходатайством твоим свободи, да зовем ти: о Богоизбранный пастырю, звездо всесветлая мысленная тверди, тайного Сиона неоторимый столпе, миродохновенный цвете райский, всезлатая уста Слова, Московская похвало, всея России украшение! Моли о нас Всещедраго и Человеколюбиваго Христа Бога нашего, да в день Страшнаго Пришествия Его шуияго стояния избавит нас и радости святых причастники сотворит, со всеми святыми во веки. Аминь.

Архангелу РАФАИЛУ

Тропарь и кондак

См. стр. 111-112.

Молитва

О, Святый Великий Архангеле Рафаиле! Престолу Божию предстояй, Ты благодатию, от Всемогущего Врача душ и телес наших тебе данною праведнаго мужа

Товита от слепоты телесныя исцелил еси, и сына его Товию, спутешествуя ему, от злаго духа сохранил еси.

Всеусердно молю тя, буди мне путеводитель в жизни моей сохрани от всех видимых и невидимых враг, исцели душевныя и телесныя болезни моя, управи жизнь мою к покаянию во гресех и ко творению добрых дел.

О, Святый Великий Рафаиле Архангеле! Услыши мене грешнаго молящегося тебе и сподоби в здешней и будущей жизни благодарити и славити общаго Создателя нашего в безконечныя веки веков. Аминь.

ЗУБНАЯ БОЛЬ

Священномученику АНТИПЕ

Тропарь, глас 4:

Идольския лести упразднил еси, Антипо, и диавольскую поправ силу, пред боготорцы дерзновенно Христа исповедал еси, темже со ангельскими чины в вышних водворяся, Владыце всех славословие принося, и о нас молебное благода-

рение предлагаеши, благодать цельбы даруя. Сего ради ты чтим, священномучениче Антипо, моли Христа Бога, да спасет души наша.

Кондак, глас 4:

Апостолов сопрестольник и святителей украшение был еси, блаженне, мученически прославився, возсиял еси, якоже солнце, всех просвещая, Антипо священне, разрушил еси безбожия ночь глубокую. Сего ради ты почитаем, Божественнаго суща священномученика и целеб подателя.

Молитва

О преславный священномучениче Антипо и скорый помощниче христианом в болезнях!

Верую от всея души и помышления, яко дадеся тебе от Господа дар болящих исцеляти, недугующих врачевати и ослабленные укрепляти.

Сего ради к тебе, яко благодатному врачу болезней, аз, немощный, прибегаю

и, твой досточтимый образ с благоговением лобызая, молюся: твоим представтельством у Царя Небесного испроси мне, болящему, исцеление от удручающих мя зубных болезни, аще бо и недостоин есмь тебе, благостнейшаго отца и приснаго заступника моего, но ты, быв подражатель человеколюбия Божия, сотвори мя достойна твоего заступления чрез мое обращение от злых дел к благому житию, уврачуй обильно дарованною тебе благодатию язвы и струпы души и тела моего, даруй ми здравие и спасение и во всем благое поспешение, да, тако тихое и безмолвное житие пожив во всяком благочестии и чистоте, сподоблюся со всеми святыми славить всесвятое Имя Отца и Сына и Святаго Духа. Аминь.

НЕМОТА

Преподобному ИОАННУ Рыльскому

Тропарь, глас 1:

Покаяния основание, прописание умиления, образ утешения, духовнаго совер-

шения равноангельное житие твое бысть, преподобне. В молитвах убо и в пощених и в слезах пребывавый, отче Иоанне, моли Христа Бога о душах наших.

Кондак, глас 8:

Ангельскому житию поревновав, преподобне, вся земная оставив, ко Христу притекл еси и, Того заповедьми ограждаяся, явился еси столп непоколебим от вражиих нападений. Тем зовем ти: радуйся, отче Иоанне, светило пресветлое.

Молитва

О преподобне и Богоносне отче наш Иоанне, зрителю неизреченная славы в Небеснем Царствии и помощниче благодатный всем к тебе притекающим, не остави места сего, на немже труды и подвиги о Христе подъял еси и землю слезами твоими оросил еси!

Да пребудет обитель твоя, в нейже благоволи Бог святым твоим мощем почивати, незыблема от ухищрений врагов

видимых и невидимых. Укрепи в доброделании чада твоя, ихже во обитель твою собрал еси, яко да познают звание свое и последуют стопам твоим. Страну нашу в мире соблюди. Православным людям во бранех на сопротивныя споборствуй.

Посети с высоты Небесныя всех, верно к тебе притекающих и просящих твоего крепкого заступления; в мори плавающих управи, житейского моря волнение утиши, церковныя раздоры укроти, мир всему миру у Господа испроси, болящих уврачуй спасительным посещением, скорбных утеши благодатию, всем буди вся, якоже был еси в земнем житии твоём.

Сотвори о нас к Богу молитву, дана бо ти есть благодать молиться за ны, яко да сподобимся твоим ходатайством улучшить вечное блаженство купно с тобою и всеми святыми во Христе Иисусе, Господе нашем, Емуже подобает всякая слава, честь и поклонение со Отцем и Святым Духом во веки веков. Аминь.

БОЛЕЗНИ ЖЕЛУДКА, ГРЫЖА

Преподобному

ФЕОДОРУ Студиту

Тропарь, глас 8:

Православия наставниче, благочестия учителю и чистоты, вселенная светильниче, монашествующих Богодухновенное удобрение, Феодоре премудре, ученьми твоими вся просветил еси, цевнице духовная, моли Христа Бога спастися душам нашим.

Кондак, глас 2:

Постническое и равноангельное житие твое страдальческими уяснил еси подвиги и Ангелом совсельник, Богоблаженне, явился еси, Феодоре. С ними Христу Богу моляся не престай о всех нас.

Молитва

О, святыи Феодоре, исповедник Православия, закона Божия ревнитель, наставник правой веры, помози нам и призри на нас, с верою и усердием прибегающих к тебе! От царей иконоборцев за почитание

святых икон оковы, изгнание, заточение претерпел ты, преподобный, и множество тяжких ран и жестоких ударов, от которых и болезнь нестерпимую получил.

Великий и досточудный Феодоре, до конца в скорбех претерпевый, и нам, обу-реваемым напастями и треволнениями житейскими, подай крепость душевную и телесную для борьбы с бедами и для одо-ления страстей и козней вражиих.

Моли о нас Милосердаго Господа, вер-ный раб Божий, Феодоре, да избавит Он нас от ожесточения и хладности сердеч-ной, и дарует нам кротость, безгневие, незлобие, смирение и любовь. Видя по-мощь Твою, прославим мы Господа и Спа-са нашего Иисуса Христа, и тебя, благо-детеля нашего, возблагодарим, с благо-говением почитая память твою.

О, всехвальне, преподобне Феодоре, учением и песнями своими церковь Бо-жию напоивший и обрадовавший, и нас, ослепленных умом от соблазнов и суеты мира сего, просвети познанием истины и избавь от заблуждений и сомне-

ний, чтобы не сообразоваться нам веку сему.

О, угодниче Христов, Феодоре, получивший от Бога благодать исцеления недугующих, а наипаче страждущих желудком, уврачуй и нас, одержимых различными недугами и исцели болящих желудком и подай нам здравие, бодрость и мир душевный.

Не отрини нас, притекающих к тебе, но заступи и помози нам. Предстательствуй за нас пред Спасителем нашим, внемли мольбам нашим и исполни прошения наши, да тобою укрепляемы, в трудах и добрых делах совершим мы течение жизни нашей и сподобимся войти в Царствие Небесное, да вместе с тобою, восхвалим и прославим Господа и Спаса нашего Иисуса Христа, со Безначальным Его Отцем, и с Пресвятым Духом, ныне, и присно, и во веки веков. Аминь.

**УВЕЧЬЕ или иная БОЛЬ РУК
Пресвятой Владычице нашей
Богородице и Приснодеве Марии,
ради честныя Ея иконы,
именуемой «ТРОЕРУЧИЦА»**

Тропарь, глас 4:

Днесь всемирная радость возсия нам
велия: даровася святей Горе Афонстей
цельбоносная Твоя, Владычице Богоро-
дице, икона, со изображением тричислен-
но и нераздельно пречистых рук Твоих в
прославление Святыя Троицы, созывае-
ши бо верных и молящихся Тебе о сем
познати, яко двема Сына и Господа дер-
жиши, третию же яви на прибежище и по-
кров чтущим Тя, от всяких напастей и бед
избавляти, да вси, притекающие к Тебе,
верою приемлют неоскудно от всех зол
свобожделение, от врагов защищение, сего
ради и мы вкупе со Афоном вопием: ра-
дуйся, благодатная, Господь с Тобою.

Кондак, глас 8:

Днесь веселое наста ныне Твое тор-
жество, Богомати Пречистая, вси вернии

исполнишася радости и веселия, яко сподобльшеся изрядно воспети предивное явление честного образа Твоего и рождшагося из Тебе Младенца, истинна же Бога, Егоже двема руками объемлеши, и третью от напастей и бед нас изымаеши и избавляеши от всех зол и обстояний.

Молитва

О, Пресвятая Госпоже Владычице Богородице, велие чудо святому Иоанну Дамаскину явившая, яко веру истинную, надежду несумненную показавшему!

Услыши нас, грешных, пред чудотворною Твоею иконою усердно молящихся и просящих Твоея помощи: не отрини моления сего многих ради прегрешений наших, но, яко Мати милосердия и щедрот, избави нас от болезней, скорбей и печалей, прости содеянные нами грехи, исполни радости и веселия всех, чтущих святую икону Твою, да радостно воспоем и любовь прославим имя Твое, яко Ты еси от всех родов избранная и благословенная во веки веков. Аминь.

БОЛЕЗНИ НОГ
Праведному СИМЕОНУ,
Верхотурскому чудотворцу
См. стр. 35-36.

ЛИХОРАДКА
Мученице ФОТИНЕ Самаряныне
Кондак, глас 8:

Верою пришедшая на кладязь Самаряныня, видя Тя премудрости воду, еюже напоившись обильно, Царствие вышнее наследова вечно, яко приснославная.

Молитва

О, святая мученице Фотино! Безмерною любовью ко Христу окрыляема, мужество, терпение и силу велию с находящимися с тобою сестрами, сыновьями и просвещенными тобою явила еси. Евангелие Христово с дерзновением проповедала, и явился тебе и всем, с тобою бывшим, Христос, и всех на предстоящая муки укрепил и утешил. В Рим пришедши и, безбоязненно Христа исповедавши, в темницу заключена быша, и многия муки

претерпеша, в колодезь брошена, душу свою Господу предала еси.

Услыши нас, святая Фотино, духовною красотою возсиявшая и людей непрестанно и неумолкаемо, в темнице и в городах, вере во Христа поучавшая. Внемли нам, взирая на нас грешных, и благодатию Христовою исцели болящих лихорадкою, да не окропит их дождь греховный, но в здравии душевном и телесном жизнь свою неослабно в добрых делах проведут и прославят Владыку всех, Отца щедрот, Бога Милостиваго, во все века. Аминь.

Преподобному ВАСИЛИЮ Новому **Молитва**

О, преподобне отче Василие!

Кто повесть добродетели твои, слезы, бдения, коленопреклонения, молитву, безгневие, кротость, и милостыню, ибо все, приносимое тебе, ты раздавал неимущим!

Всех приходивших к тебе ты принимал, поучая и утешая. И служившей тебе старице Феодоре, при отшествии ея от жизни сей, много добрых дел ты даровал на

выкуп ея на мытарствах. И людей, страдавших лихорадкою, силою Божиею многократно врачевал.

Со слезами и усердием припадая к тебе, святой Василие, молим тя, подай здравие одержимым лихорадкою, да получив исцеление, твердо станут они на скале терпения и благочестия, прославляя Бога, Дивнаго во святых Своих, ныне, и присно, и во веки веков. Аминь.

ГОРЯЧКА

Первоверховному Апостолу ПЕТРУ

Тропарь, глас 4:

Апостолов первопрестольницы и все-
ленные училии, Владыку всех молите
мир вселенней даровати и душам нашим
велию милость.

Кондак, глас 2:

Твердыя и Боговещанныя проповеда-
тели, верх апостолов Твоих, Господи, при-
ял еси в наслаждение благих Твоих и по-
кой: болезни бо оных и смерть приял еси
паче всякаго всеплодия, Едино, сведый
сердечная.

Молитва

О, святой Петре, великий апостоле, самовидче и сотаинниче Божий, всемошною десницею Учителя твоего из вод волнующихся приятый и от конечнаго потопления свободивыйся! Не забуди и нас убогих, в тине греховней погрязших и волнами житейского моря обуреваемых: подаждь нам твою руку крепкую, помози нам и удержи нас от потопления во страстях, похотех, лжах и клеветах.

Сотвори и ты с нами милость, тебе от Господа явленную, да не в сомнении и маловерии изгибнем. Научи нас, учителю наш, проливати слезы покаяния, да плачем горько о деяниях наших в вещь сем. И аще твоя слезы, в покаяние излиянныя, милостию своею покры Господь и Учитель твой, испроси и нам, со дерзновением апостольским, прощения во гресе ежечасного, от Христа отреченныя злыми помыслы и дела нашими. Да тихое и безмолвное житие поживем в вещь сем до часа, воньже имать призвати нас века Господь, наш Судия нелицеприятный. Ты же, о все-

хвальный апостоле, не отвержи вопля нашего и стенаний к тебе, но заступи нас пред Христом твоим Учителем, да непрестанно славим Его милосердие к нам, со Отцем и Святым Духом, во веки веков. Аминь.

ГРУДНЫЕ БОЛЕЗНИ
Святому ДИМИТРИЮ,
митрополиту Ростовскому
Тропарь, глас 8:

Православия ревнителю и раскола искоренителю, Российский целебниче и новый к Богу молитвенниче, списанми твоими буих уцеломудрил еси, цевнице духовная, Димитрие блаженне, моли Христа Бога спастися душам нашим.

Кондак, глас 8:

Звезду Российскую, от Киева возсиявшую, и чрез Новград Северский в Ростов достигшую, всю же страну сию ученми и чудесы озарившую, ублажим златословеснаго учителя Димитрия. Той бо всем вся написа, яже к наставлению, да всех

приобщает, якоже Павел Христу, и спасет правоверием души наша.

Молитва

О предивный и преславный чудотворче Димитрие, исцеляяй недуги человеческия! Ты неусыпно молиши Господа Бога нашего о всех грешных: молю убо тя, буди ми ходатай пред Господем и помощник на преоборение страстей ненасытныя плоти моея и на одоление стрел сопротивника моего диавола, имиже уязвляет немощное сердце мое и, аки гладный и лютый зверь, алчет погубити душу мою.

Ты, святителю Христов, моя ограда, ты мое заступление и оружие. Ты, великий чудотворче, во дни подвигов твоих в мире сем, ревнуя о Православней Церкви Божией, яко истинный и добрый пастырь, неблаженно обличал еси грехи и невежества людския, и от стези правды в ереси и расколы уклонившиеся на путь истины наставлял еси. Споспешествуй убо и мне кратковременный путь жизни моея исправить, да непреткновенно пой-

ду по стези заповедей Божиих и неленостно поработаю Господеви моему Иисусу Христу, яко единому Владыце моему, Искупителю и праведному Судии моему. К сим же припадая, молюся ти, угодниче Божий, егда изыти души моей от брэннаго сего телесе, избави ю от темных мытарств: не имам бо добрых дел ко оправданию моему: не даждь сатане возгордиться победою над немощною душею моею: избави ю от геены, идеже плач и скрежет зубов, и святыми молитвами твоими сотвори мя причастника Небеснаго Царствия в Троице славимаго Бога, Отца и Сына и Святаго Духа, во веки веков. Аминь.

ЖЕНСКИЕ НЕМОЩИ
Преподобному
ДАВИДУ Гареджийскому
Тропарь, глас 4:

Подвигов потом, сраствореннаго потоками слез, ныне в молении предстоиши Господеви нашему, яко слезами сеял и радостию пожинаеши плоды в пустыне

возрожденные. О, Давиде, сияние мира и предстателю душ наших.

Кондак, глас 8:

От сирийских источников возшел еси звездо пресветлая, и пустыню Гареджийскую сиянием Духа озарил еси; яко пришествием своим иноческий рай соделал еси, произрастив в пустыне словесный вертоград. Сего ради не оставляй хранить его, Давиде возлюбленный.

Молитва

О, всесветле, богохвальне, авва Давиде, святче Божий!

Ты силою благаго законоположения явился еси нам, кознями лукаваго связанных и обуреваемых, яко наставник в покаянии и помощник в молитве. Того ради дано тебе множество даров благодати и чудотворения, разрешения грех наших и прегрешений оставление, болезней исцеление и диавольских наветов отгнание. Темже твоею отеческою милостию в богоцарственном разумении, многотрудны-

ми молитвами и молениями твоими, наипаче же непрестанным твоим заступлением о нас да возставит Господь Бог ны, во грех впадшие, силою Своею непобедимую на всякого видимого и невидимого врага, дабы благодаряще совершая святую память твою, желанием возжелали мы поклоняться Превечному Богу в Троице Единому, Отцу и Сыну и Святому Духу, ныне и присно и во веки веков. Аминь.

***РАССЛАБЛЕНИЕ ТЕЛА С БЕССОННИЦЕЙ,
ПОТЕРЕЙ АППЕТИТА И ЛИШЕНИЕМ
КАКИХ ЛИБО ЧЛЕНОВ***

***Преподобному
АЛЕКСАНДРУ Свирскому
Тропарь, глас 4:***

От юности, Богомудре, желанием духовным в пустыню вселився, единого Христа возжелал еси усердно стопам в след ходити, темже и ангельстии чини зряще тя, удивишася, како с плотию к невидимым кознем подвизався, премудре, победил еси полки страстей воздержанием и

явился еси равноангелен на земли, Александре преподобне, моли Христа Бога, да спасет души наша.

Кондак, глас 8:

Яко многосветлая звезда днесь в странах российских возсиял еси, отче, вселив-ся в пустыню, Христовым стопам последовати усердно возжелел еси и, Того святое иго на рамо твое взем - Честный Крест, умертвил еси труды подвиг твоих телесныя взыграния, темже вопием ти: спаси стадо твое, еже собрал еси, мудре, да зовем ти: радуйся, преподобне Александре, отче наш.

Молитва

О, священная главо, ангеле земный и человеке небесный, преподобне отче наш Александре, изрядный угодниче Пресвятыя и Единосущныя Троицы, многия милости живущим во святей обители твоей и всем, с верою и любовью притекающим к тебе, являяй! Испроси нам вся к житию сему временному благопотребная, паче

же к вечному спасению нашему нужная. Буди всем нам, чудотворче святой, во всякой скорби и обстоянии скорый помощник. Наипаче же в час кончины наша явися нам заступник благосердый, да не предани будем на мытарствах воздушных власти злобного миродержца, но да сподобимся непреткновенного восхода во Царствие Небесное.

Ей, отче, молитвенниче наш присный! Не посрами упования нашего, не презри смиренных молений наших, но присно о нас пред Престолом Живоначальныя Троицы предстательствуй, да сподобимся вкупе с тобою и со всеми святыми, аще и недостойни есмы, в селениях райских славити величие, благодать и милость единого в Троице Бога, Отца и Сына и Святаго Духа, во веки веков. Аминь.

ПРОКАЗА

Мученице АГРИППИНЕ

Кондак, глас 4:

Светлых подвиг твоих светоносный
наста день, воньже почитаючи сих, Бо-

жественная Церковь вся созывает весело вопити тебе: радуйся, дево и мученице, Агриппино всечестная.

Молитва

О, святая мученице Агриппино!

С юных лет посветив себя Богу, ты украсила свою душу девством и чистотою и из любви к жениху твоему Христу претерпела страшная муки. И по преставлении своем получила дар от Господа и врачевала всякия болезни, а наипаче проказу. Услышь же, благостная и дивная мученице Агриппино, моление прокаженных, с верою сердца обращающих к тебе, и ныне, как некогда, помоги этим несчастным, поспешая избавить их от лютаго недуга. Исцели их немощных, всеми людьми презираемых, отчуждаемых и гонимых, избавь их от скорбей и мучений, и от неисцельной болезни исцели их, да по выздоровлении возблагодарят и прославят они Промыслителя Бога в радости спасения своего. Аминь.

Преподобному АНТОНИЮ Великому

Тропарь, глас 4:

Ревнителя Илию нравы подражая, Крестителю правыми стезями последуя, отче Антоние, пустыни был еси житель и вселенную утвердил еси молитвами твоими. Темже моли Христа Бога спастися душам нашим.

Кондак, глас 2:

Житейския молвы отринув, безмолвно житие скончал еси, Крестителя подражая всяким образом, преподобнейший, с ним убо ты почитаем, отцев начальниче, Антоние.

Молитва

О великий угодниче Божий, преподобне отче Антоние!

Яко имеяй дерзновение ко Владыце Христу и ко Пречистой Его Матери, буди о нас, недостойных молитвенник теплый, заступая нас от всяких бед и напастей, да твоими молитвами невредимы от враг видимых и невидимых пребудем. Моли Милосердие Божие, да спасет нас от пре-

грешений наших, имиже веси судьбами. Моли благость Его, еже милостивно храму (дому) сему потребная подавати, жизнь нашу умирить и вся прихожаны храма сего помиловати, и спасти души наша, да непрестанно поем и величаем пречестное и великолепое имя Отца и Сына и Святаго Духа ныне и присно, и во веки веков. Аминь.

БЕССОНИЦА
Преподобному ИРИНАРХУ,
Затворнику Ростовскому
Тропарь, глас 4:

Яко мученика добропроизвольна и преподобных удобрение, звезду Ростовскую, в затворе, узах и веригах Господеву благоугодившаго и чудес благодать от него приемшаго, Иринарха предивнаго песньми хвалебными почтим и, к нему припадающе, умильно глаголем: отче преподобне, моли Христа Бога спастися душам нашим.

Кондак, глас 2:

Волнений множество жестоким житием преходя, изгнание, затвор и узы железныя претерпел еси мужески, Иринарше терпеливодушне, нам оставль образ злострдания и терпения твоего, озаряя чудес блистаньми с верою приходящих к честному гробу твоему, у негоже, яко почеть победную, вериги твоя тяжкия видим, от нихже подаеши исцеления недужным. Сего ради зовем ти: радуйся, Иринарше, отче предивный.

Молитва

О преподобне отче Иринарше! Се мы молим тя усердно: буди ходатай наш присный, испроси нам от Христа Бога мир, тишину, благоденствие, здравие и спасение, и от всех врагов видимых и невидимых ограждение, покрый же нас ходатайством твоим от нахождения всяких бед и скорбей, паче же от искушений врага темнаго, да вси мы с тобою прославляем всесвятое имя Отца и Сына и Святаго Духа, ныне и присно и во веки веков. Аминь.

Святым семи отрокам в Ефесе

Тропарь, глас 8:

Благочестия проповедники и воскресения умерших изобразители, Церкви столпы седмочисленные, отроки всеблаженные песньми восхвалим: тии бо по многих летех нетления, аки от сна воставше, всем возвестиша яве мертвых востание.

Кондак, глас 4:

Прославивый на земли святая Твоя, прежде Второго и Страшного пришествия Твоего, Христе, преславным востанием отроков показал еси Воскресение неведящим е, нетленна одеяния и телеса явив, и царя уверил еси вопити: воистинну есть мертвых востание.

Молитва

О, пречуднии святии седмочисленнии отроцы, Ефеса града похвало и всея вселенная упование!

Воззрите с высоты небесная славы на нас, любовью память вашу чтущих, наипаче же на младенцы христианския, вашему заступлению от родителей своих препорученная. Низведите на ня благо-

словение Христа Бога, рекшаго: «оставите детей приходить ко Мне». Болящая убо в них исцелите, скорбящая утешите; сердца их в чистоте соблюдайте, кротостию исполните я, и в земли сердец их зерно исповедания Божия насадите и укрепите, во еже от силы в силу им возрастати. И всех нас, святей иконе вашей предстоящих, мощи же ваша с верою лобызающих и тепле вам молящихся, сподобите Царствие Небесное улучшить и немолчными гласы радования тамо прославляти великолепое имя Пресвятыя Троицы, Отца и Сына и Святаго Духа, во веки веков. Аминь.

ПАРАЛИЧ
Преподобному
ИАКОВУ Железоборовскому
Тропарь, глас 4:

Небеснаго желая, земная возненавидел еси и, взем крест свой, последовал еси Христу и от Него прием дарования чудес, исцеляти недужныя; но, яко имея дерзновение ко Святей Троице, испроси

православным христианом здравие и спасение, на враги же победу и не забуди, посещая чад своих, припадающих к цельбоносному гробу твоему, Иакове, преподобне отче наш.

Кондак, глас 8:

Сердечная очи, досточудне, ко Господу вперив и телесныя страсти из корене исторгая, неболезненную жизнь в болезнях восприял еси, преподобне, болезнем же лютым даеши исцеление просящим с верою у тебе, темже молим тя, досточудне, исцели наша болезни душевныя и телесныя, да зовем ти: радуйся, Иакове Богомудре, отче наш.

Молитва

Преподобне и богоносне отче наш Иакове!

Приими ныне нас, тебе усердно молящихся и припадающих ко всечестному и многоцелебному твоему гробу, идеже святое и многотрудное поκειται тело. Духом же на небесех предстоя святей Троице со ангелы

и преподобных отец лики, молися о нас ча-
дах твоих, отче, да избавимся от всяких скор-
бей, болезней, бед и обстояний, и благочес-
тно проживем в настоящем житии, ходяще в
заповедех и оправданиях Господних безпо-
рочно, и да явимся последователи святому
и равноангельскому житию твоему. Ей, пре-
подобне отче, молим тя, испроси нам же и
всем, с верою к тебе притекающим, грехов
прощение, телесем здравие, исправление
жития и вечное спасение, яко да твоим пред-
стательством спасеннии, славу возсылати
сподобимся в Троице славимому Богу, Отцу
и Сыну и Святому Духу, ныне и присно и во
веки веков. Аминь.

ПАДУЧАЯ БОЛЕЗНЬ

Мученику ВИТУ

Молитва

О, святой мучениче Вите! С дванаде-
сяти лет благодатию Святаго Духа свыше
просвященный, познал истиннаго Бога и
Ему в молитве и подвиге угождал. И дал
тебе Господь дар чудотворения и светлый
разум, так что и словом и делом ты мно-

гих ко Христу обратил и на правый путь наставил. Лютыя за веру Христову муки претерпев, отцем своим уловляем сокровищами многоценными и всеми обольщениями мира сего, ты ничем не соблазнил-ся и от Христа не отрекся. Перед кончиною своею испросивший у Господа всем почитающим память твою сохранение от всех зол мира сего и успешное шествие в Царство Небесное.

О, святой мучениче Вите, услышь нас, чтущих тебя и прибегающих к тебе, сохрани нас от бед, зол и скорбей, и помози нам сподобиться быть наследниками Царства Божия, еже по Бозе одно составляет предмет всех желаний во вселенной. И о больных и страждущих на земле предстательствуй, святой Вите, как при земной жизни своей ты целил различныя недуги, так и теперь не оставь болящих, а наипаче мучимых черною немочью. Исцели их благосердо, и подай им всецелое врачевание, да не умрут они в безпамятстве, но в здоровом теле и ясном уме превозмогут слабости и прославят Бога во веки веков. Аминь.

ОСПА

Мученику КОНОНУ

Тропарь, глас 4:

Яко девственника предивна и мученика непоколебима, блаженного страдальца, на бесы власть приемшаго, Конона песньми восхвалим и к нему возопиим: моли Христа Бога, да спасет души наша.

Кондак, глас 3:

Чистотою яко Ангел на земли пожив, отонудуже собеседник Ангелом быти сподобился еси, и родители ко Христову познанию привел еси, и, единого Бога в Троице исповедав, пострадал еси до крове, мучениче Кононе, моли Его непрестанно о всех нас.

Молитва

О, святой мучениче Кононе! Услышь мольбы наши и приими усердие сердца нашего, тебе приносимое. В девстве непорочном с супругою своею до конца дней поживший и с нею Крещение и Святые Тайны от Архистратига Божия Михаила получивший. За Христа жестоко замучен-

ный и кровию своею за Бога Живаго пролитую врачевание и радость страждущим даровал еси. Не оставь, святой Кононе, преславный мучениче, всех исцелявший и всем благотворивший в земной жизни своей, младенцев наших, оспенным недугом болеющих, испроси у Господа, да мимо идет пагуба смертная, да преложится печаль наша в радость и да выйдут они невредимы из посланного свыше в юный возраст их искушения и, обрета милость пред Господом, сотворшим все единым словом Своим, прославят Владыку всех во веки веков. Аминь.

РАК

Пресвятой Владычице нашей Богородице и Приснодеве Марии, ради Ея честныя иконы, именуемой «ВСЕЦАРИЦА» («ПАНТАНАССА»)

Тропарь, глас 4:

Образом радостотворным честныя Всецарицы, желанием теплым взыскающих благодати Твоя спаси, Владычице; избави от обстояний к Тебе прибегающих;

от всякия напасти огради стадо Твое, к заступлению Твоему взывающее присно.

Кондак из акафиста:

О, Всецарице Мати, рождшая всех святых Святейшее Слово, нынешнее наше приявши песнопение, от всякия смертныя болезни исцели ны и будущего избави осуждения вопиющих: Аллилуиа.

Молитва

О, Пречистая Богомати, Всецарице! Услыши многоболезненное воздыхание наше пред чудотворною иконою Твоею, из удела Афонскаго в Россию пренесенною, призри на чад Твоих, неисцельными недуги страждущих, ко святому образу Твоему с верою припадающих! Якоже птица крилома покрывает птенцы своя, тако и Ты ныне, присно жива сущи, покрой нас многоцелебным Твоим омофором. Тамо, идеже надежда исчезает, несумненною Надеждою буди. Тамо, идеже лютыя скорби превозмогают, Терпением и Ослабою явися. Тамо, идеже мрак отчаяния в души

вселися, да возсияет неизреченный Свет Божества! Малодушныя утеши, немощныя укрепи, ожесточенным сердцам умягчение и просвещение даруй. Исцели болящия люди Твоя, о Всемиловитая Царице! Ум и руки врачующих нас благослови, да послужат орудием Всемощного Врача Христа Спаса нашего. Яко живей Ти, сущей с нами, молимся пред иконою Твоею, о Владычице! Простри руке Твои, исполненные исцеления и врачбы, Радосте скорбящих, в печалех Утешение, да чудотворную помощь скоро получив, прославляем Живоначальную Нераздельную Троицу, Отца и Сына и Святаго Духа во веки веков. Аминь.

ВООБЩЕ

В БОЛЕЗНЕННЫХ СОСТОЯНИЯХ

***Святителю СПИРИДОНУ Чудотворцу,
епископу Тримифунтскому***

Тропарь, глас 1:

Собора Перваго показался еси поборник и чудотворец, Богоносне Спиридоне, отче наш. Темже мертву ты во гробе воз-

гласив, и змию в злато претворил еси, и
внегда пети тебе святыя молитвы Анге-
лы, сослужащия тебе, имел еси, священ-
нейший. Слава Давшему тебе крепость,
слава Венчавшему тя, слава Действующе-
му тобою исцеления.

Кондак, глас 2:

Любовию Христовою уязвився священ-
нейший, ум вперив зарею Духа, детель-
ным видением твоим деяние обрел еси,
Богоприятне, жертвенник Божественный
быв, прося всем Божественного сияния.

Молитва

О Великий и пречудный святителю
Христов и чудотворче Спиридоне, Керкир-
ская похвало, всея вселенная светильни-
че пресветлый, теплый к Богу молитвен-
ниче и всем к тебе прибегающим и с ве-
рою молящимся скоропредстательный
заступниче!

Ты веру православную на Никейстем
Соборе посреде отцев преславно изъяс-

нил еси, ты единство Святыя Троицы чудесною силою показал еси и еретиков до конца посрамил еси. Услыши нас, грешных, святителю Христов, молящихся тебе, и, сильным твоим предстательством у Господа, избави нас от всякого злаго обстояния: от глада, потопа, огня и смертоносных язвы. Ты бо во временней жизни своей от всех сих бедствий избавлял еси людей твоих: от нашествия агарян и от глада страну твою сохранил еси, царя от неисцельного недуга избавил и многия грешники к покаянию привел еси, мертвых преславно воскрешал еси, за святость же жития твоего Ангелы невидимо в церкви поющия и сослужащия тебе имел еси. Сице убо прослави тебе, верного Своего раба, Владыка Христос, яко вся тайная человеческая деяния дарова тебе разумети и обличати неправедно живущия. Многим в скудости и недостаточестве живущим ты усердно помогал еси, люди убогия изобильно во время глада напитал еси и ина многа знамения силою в тебе живущаго Духа Божия сотворил

еси. Сице и нас не остави, святителю Христов, поминай нас, чад своих, у Престола Вседержителя, и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдные и мирныя, и блаженства вечнаго в будущем веце сподобит нас, да выну возсылаем славу и благодарение Отцу и Сыну и Святому Духу, ныне и присно и во веки веков. Аминь.

***Мученице ПАРАСКЕВЕ,
нарицаемой Пятница
Тропарь, глас 4:***

Премудрая и всехвальная Христова мученица Параскева, мужескую крепость приимши женскую же немощь отвергши, диавола победи и мучителя посрами, вопиющи и глаголющи: приидите, тело мое мечем ссечите и огнем сожгите, аз бо, радующися, иду ко Христу Жениху моему. Тоя молитвами, Христе Боже, спаси души наша.

Кондак, глас 3:

Всесвятое и непорочное мучение при-
несши, яко вено пречестное, бессмертно-
му Жениху Христу, Ангельское ликостоя-
ние возвеселила еси и победила еси де-
монския козни. Сего ради ты честно верою
читим, мученице Параскево многостра-
дальная.

Молитва

О, святая и преблаженная мученице
Христова Параскево, красото девическая,
мучеников похвало, чистоты образе, ве-
ликодушных зеркало, премудрых удивле-
ние, веры христианския хранительнице,
идольския лъсти обличительнице, Еван-
гелия Божественного поборнице, запове-
дей Господних ревнительнице, сподобль-
шаяся приити ко пристанищу вечного по-
коя и в чертозе Жениха твоего Христа Бога
светло веселящаяся, сугубым венцем
девства и мученичества украшенная!

Молим тя, святая мученице, буди о нас
печальница ко Христу Богу. Его же пре-
блаженнейшим зрением присно весели-
тся; моли Всемилостиваго, иже словом

очи слепым отверзе, да избавит нас от болезни очес наших, телесных вкупе и душевных; разжени твоими святыми молитвами темный мрак прибывший от грехов наших, испроси у Отца Света свет благодати душевным и телесным очесем нашим; просвети нас, омраченных грехми светом Божия благодати, да твоих ради святых молитв дастся безочесным сладкое зрение.

О великая угодница Божия! О мужественнейшая дево! О крепкая мученице святая Параскево! Святыми твоими молитвами буди нам грешным помощница, ходатайствуй и молися о окаянных и зело нерадивых грешниках, ускорь на помощь нам, ибо зело немощни есмы. Моли Господа, чистая девице, моли Милосердаго, святая мученице, моли Жениха твоего, непорочная Христова невесто, да твоими молитвами пособствоваши, мрака же греховного избывше, во свете истинныя веры и деяний Божественных внидем во свет вечный дне не вечерняго, во град веселия приснаго, в немже ты ныне светло блис-

таеши славою и веселием безконечным, славословящи и воспевающи со всеми Небесными Силами Трисвятительное Единое Божество, Отца и Сына и Святаго Духа, ныне и присно и веки веков. Аминь.

Преподобному
ПИМЕНУ Многоболезненному

Тропарь, глас 5:

Богоноснаго Антония смиренномудрим подражая, терпением Иову подобяся, не исцеления от болезни, но паче протяжения тоя желал еси себе, терпеливодушне Пимене, да не како, здрав быв и от места сего родительми исторген, сожития преподобных и чина их лишился, тем паче надежды от самих Ангел пострижен был еси, с нимиже моли Христа Бога спастися душам нашим.

Кондак, глас 6:

Долговременную болезнь благодарне претерпевшаго, приидите, сошедшесе, восхвалим Пимена многотерпеливаго, иже бо иногда за смрад болезни бе гну-

шаемь, сей ныне благоухание испускает с верою к раце мощей его приходящим и прогонит злосмрадие страстей от вопиющих: прииди, Пимене, к нам, и ничтоже успеет враг на ны.

Седален, глас 8:

Многия болезни твоя, блаженне Пимене, многим здравия виновны быша: сам боля, болящия исцелял еси, сам слежа в недуге, недужныя возставлял еси, словом отгонял еси всяку немощь. Темже, ныне притекающе к нетленным мощем твоим, молим тя: источай телесем здравие и душам подаждь цельбу, моля Христа Бога грехов оставление даровати чтущим любовию святую память твою.

Великомученику и целителю ПАНТЕЛЕИМОНУ

Тропарь, глас 3:

Страстотерпче святой и целебниче Пантелеимоне, моли Милостиваго Бога, да прегрешений оставление подаст душам нашим.

Кондак, глас 5:

Подражатель сый Милостиваго и исцелений благодать от Него прием, страсто-терпче и мучениче Христа Бога, молитвами твоими душевныя наша недуги исцели, отгоня присно борца соблазны от вопиющих верно: спаси ны Господи.

Молитва

О, великий угодниче Христов, страсто-терпче и врачу многомилостивый Пантелеимоне!

Умилосердися надо мною, грешным рабом, услыши стенание и вопль мой, умилостиви Небеснаго, Верховнаго Врача душ и телес наших, Христа Бога нашего, да дарует ми исцеление от недуга, мя гнетущаго. Приими недостойное моление грешнейшаго паче всех человек. Посети мя благодатным посещением. Не возгнущайся греховных язв моих, помажи их елеем милости твоея и исцели мя; да здрав сый душею и телом, остаток дней моих, благодатию Божиею, возмогу провести в покаянии и угождении Богу и спо-

доблюся восприяти благий конец жития моего.

Ей, угодниче Божий! Умоли Христа Бога, да предстательством твоим дарует здравие телу моему и спасение души моей. Аминь.

***Безсребренникам и чудотворцам
КОСМЕ и ДАМИАНУ***

Тропарь, глас 8:

Святии безсребреницы и чудотворцы,
Космо и Дамиане, посетите немощи наша:
туне приясте, туне дадите нам.

Кондак, глас 2:

Благодать приимше исцелений, про-
стираете здравие сущим в нуждах, вра-
чеве, чудотворцы преславнии, но вашим
посещением ратников дерзости низложи-
те, мир исцеляюще чудесы.

Молитва

О чудотворцы славнии, врачеве без-
мезднии, Космо и Дамиане! Вы, от юнос-
ти Христа Бога возлюбивше, не врачева-

ния токмо искусство, но паче неоскудную Благодать исцеления всяких недугов от Бога прияли есте. Темже и нас, пред честною иконою вашею припадающих, скоро услышите. Юныя дети, ваша помощи во учении книжном просящия, молитвами своими наставляте, да вашему житию ревнующе, не земное точию приобрящут, но паче во благочестии и правей вере непрестанно да преспевают. На одре болезни лежащим, в человечестей помощи отчаявшимся, к вам же тепле с верою и усердною молитвою прибегающим, исцеление болезней вашим милостивым чудодейственным посещением даруйте: такожде и от лютых недугов уныние, малодушие и роптание пришедшия данною вам от Бога благодатию в терпении утвердите и наставляте, да уразумеют волю от них Божию святую и совершенную, и участницы соделаются Божия спасительная Благодати. Всех, к вам усердно прибегающих, от болезней лютых невредимы сохраните, и от внезапных смерти оградите, и мощным ходатайством вашим к

Богу в правой вере тверды соблюдите, во благочестии же преспевающая, да с вами вкупе сподобятся в будущем веце присно воспевати и славити Всесвятое и Великолепое Имя Отца и Сына и Святаго Духа во веки веков. Аминь.

Мученику ТРИФОНУ

Кондак, глас 8:

Тройческою твердостью многобожие разрушил еси от конец, всеславне, честен во Христе быв, и, победив мучители во Христе Спасителе, венец приял еси мученичества твоего и дарования Божественных исцелений, яко непобедим.

Молитва

О святыи мучениче Христов Трифоне, скорый помощниче и всем к тебе прибегающим и молящимся пред святым твоим образом скоропослушный предстателю! Услыши ныне и на всякий час моление нас, недостойных рабов твоих, почитающих святую память твою во всечестнем храме сем, и предстательствуй о нас пред Госпо-

дем на всяком месте. Ты бо, угодниче Христов, в великих чудесех возсиявый, источаяй цельбы притекающим к тебе с верою и сущия в скорбех человеки заступаяй, сам обещался еси прежде исхода твоего от жития сего тленного молиться за ны Господу и испросил еси у Него дар сей: аще кто в какой-либо нужде, печали и болезни душевной или телесной призывати начнет святое имя твое, той да избавлен будет от всякаго прилога злаго. И якоже ты иногда дочь цареву, в Риме граде от диавола мучиму, исцелил еси, сице и нас от лютых его козней сохрани во вся дни живота нашего, наипаче же в день последняго нашего издыхания предстательствуй о нас. Буди нам тогда помощник и скорый прогонитель лукавых духов, и к Царствию Небесному предводитель. И идеже ты ныне предстоиши с лики святых у Престола Божия, моли Господа, да сподобит и нас причастники быти присносущнаго веселия и радости, да с тобою купно прославляем Отца и Сына и Святаго Духа во веки. Аминь.

Архангелу МИХАИЛУ

Тропарь, глас 4:

Небесных воинств Архистратизи, молим вас присно мы, недостойнии, да вашими молитвами оградите нас кровом крил невещественная ваша славы, сохраняюще ны, припадающия прилежно и вопиущия: от бед избавите ны, яко чиноначальницы Вышних сил.

Кондак, глас 4:

Архистратизи Божии, служителие Божественная славы, Ангелов начальницы и человеков наставницы, полезное нам просите и велию милость, яко Безплотных Архистратизи.

Молитва

О, святой Михаиле Архангеле, светлобразный и грозный Небеснаго Царя воеводо! Прежде Страшнаго Суда ослаби ми покаяться от грехов моих, от сети ловящих избави душу мою и приведи ю к Сотворшему ю Богу, сидящему на Херувимех, и молися о ней прилежно, да твоим ходатайством послет ю в место покойное.

О, грозный воеводо небесных сил, предстателю всех у Престола Владыки Христа, хранителю твердый всем человеком и мудрый оруженник, крепкий воеводо Небесного Царя! Помилуй мя грешного, требующего твоего заступления, сохрани мя от всех видимых и невидимых враг, паче же подкрепи от ужаса смертного и от смущения диавольского, и сподоби мя непостыдно предстати Создателю нашему в час Страшного и Праведного Суда Его. О, всесвятый великий Михаиле Архистратиге! Не презри мене грешного, молящегося тебе о помощи и заступлении твоём в вещи сем и в будущем, но сподоби мя тамо купно с тобою славить Отца и Сына и Святаго Духа во веки веков. Аминь.

О ТЕРПЕНИИ БОЛЕЗНЕЙ И НЕСЧАСТИЙ
Праведному
ИОВУ Многострадальному
Тропарь, глас 2:

Память праведнаго Твоего Иова, Господи, празднующе, тем Тя молим: избави нас от наветов и сетей лукаваго диавола и спаси души наша, яко Человеколюбец.

Кондак, глас 8:

Яко истинен и праведен, Богочестив и непорочен, освящен же явлься, всеславне, Божий угодниче истинный, просветил еси мир в терпении твоём, терпеливейший и доблейший. Темже вси, Богомудре, память твою воспеваем.

Стихира, глас 6:

Дал еси нам образ терпения и мужества, Преблагий Господи, угодника Твоего Иова, во всех приключшихся ему злостраданиях ничимже согрешивша пред Тобою, ниже устнама своима, и не давша безумия Тебе, Богу нашему. Того молитвами и нас сотвори победители много различных искушений и спаси души наша, яко Человеколюбец.

ПРИ ОБУРЕВАНИИ ДУШИ НЕВЕРИЕМ

Апостолу ФОМЕ

Тропарь, глас 2:

Мученик Христов быв, Божественного собора апостольскаго сопричастник, неверствием бо Христово Воскресение из-

вестив и Того пречистую страсть осязанием уверив, Фома всехвальне, и ныне нам проси мира и велия милости.

Кондак, глас 4:

Премудрости благодати исполнен, Христов апостол и служитель истинный в покаянии вопияше Тебе: Ты мой еси Бог же и Господь.

Молитва

О святыи апостоле Фома! Молим тя: сохрани и соблюди нас молитвами твоими от искушений диавольских и падений греховных и испроси нам свыше помощь во время неверия, да не преткнемся о камень соблазна, но неуклонно шествуем спасительным путем заповедей Христовых, дондеже достигнем оных блаженных обителей райских.

Ей, апостоле Спасов! Не посрами нас, но буди нам помощник и покровитель во всем житии нашем и помози нам благочестно и богоугодно житие сие временное скончати, христианскую кончину получи-

ти и добраго ответа сподобитися на Страшнем Суде Христове; да прославим великолепое имя Отца и Сына и Святаго Духа, во веки веков. Аминь.

В БЕДАХ И СКОРБЕХ

***Пресвятой Владычице нашей
Богородице и Приснодеве Марии,
ради Ея честныя иконы,
именуемой «УТОЛИ МОЯ ПЕЧАЛИ»***

Тропарь, глас 5:

Утоли болезни многовоздыхающия души моя, утолившая всяку слезу от лица земли, Ты бо человеком напасти отгониши и грешных скорби разрушаеши, Тебе бо вси стяжахом надежду и утверждение, Пресвятая Мати Дево.

Кондак, глас 6:

Не ввери мя человеческому предстательству, Пресвятая Владычице, но прими моление раба Твоего, скорбь бо одержит мя, терпети не могу демонскаго стреляния, покрова не имам, ниже где

прибегну, окаянный, всегда побеждаем, и утешения не имам, разве Тебе, Владычице мира, упование и предстательство верных, не презри моление мое, полезно сотвори.

Молитва

Надеждо всех концов земли, Пречистая Дево, Госпоже Богородице, утешение мое! Не гнушайся мене, грешного, на Твою бо милость уповаю: угаси ми пламень греховный и покаянием ороси изсохшее мое сердце, очисти ум мой от греховных помыслов, приими мольбу, от души и сердца со воздыханием приносимую тебе. Буди о мне Ходатаица к Сыну Твоему и Богу и укроти гнев Его Матерними Твоими молитвами, душевные и телесные язвы исцели, Госпоже Владычице, утоли болезни души и тела, утиши бурю злых нападений вражеских, отыми бремя грехов моих, и не остави мене до конца погибнуть, и печалию сокрушенное сердце мое утеши, да славлю Тя до последнего издыхания моего. Аминь.

**Пресвятой Владычице нашей
Богородице и Присногеве Марии,
ради Ея честныя иконы, именуемой
«ВСЕХ СКОРБЯЩИХ РАДОСТЬ»**

Тропарь, глас 2:

Всех скорбящих Радосте, и обидимых
Заступнице, и алчущих Питательнице,
странных Утешение, немощных Покров и
Заступнице, Жезл старости, Мати Господа
Вышняго Ты еси, Пречистая, потщися,
молимся, спастися рабом твоим.

Кондак, глас 6:

Не имамы иныя помощи, не имамы
иныя надежды, разве Тебе, Владычице.
Ты нам помози: на Тебе надеемся и Тобою
хвалимся, Твои бо есмы раби, да не
постыдимся.

Молитва

О, Пресвятая Владычице и Богородице,
вышшая Херувим и честнейшая Серафим,
Богоизбранная Отроковице, всех
скорбящих Радосте!

Подаждь утешение и нам, в скорби сущим,
разве бо Тебе иного прибежища и

помощи не имамы. Ты едина еси радости наша ходатаица, и яко Мати Божия и Мати милосердия, предстоящи у Престола Пресвятыя Троицы, можеши нам помощи, никтоже бо притекаяй к Тебе посрамлен отходит. Услыши убо и нас, ныне в день скорби пред твоею иконою припадающих и со слезами тебе молящихся, отжени от нас належащая на нас скорби и печали в сей временней жизни, не лишены же сотвори ны твоим всесильным ходатайством и вечныя нескончаемыя радости во Царствии Сына Твоего и Бога нашего, Емуже подобает всякая слава, честь и поклонение, со безначальным Его Отцем, и со Пресвятым и Благим и Животворящим Его Духом, ныне и присно и во веки веков. Аминь.

В УНЫНИИ И ПРИ БЕСНОВАНИИ
Святителю ТИХОНУ, епископу Воро-
нежскому, Загонскому чудотворцу
Тропарь, глас 8:

От юности возлюбил еси Христа, блаженне, образ всем был еси словом, житием, любовью, духом, верою, чистотою и смирением, темже и вселился еси в Не-

бесныя обители, идеже предстоя Престолу Пресвятыя Троицы, моли, святителю Тихоне, спастися душам нашим.

Кондак, глас 8:

Апостолов преемниче, святителей украшение, Православная Церкве учителю, Владыце всех молися мир вселенной даровати и душам нашим велию милость.

Молитва

О, всехвальный святителю и угодниче Христов, отче наш Тихоне! Ангельски пожив на земли, ты яко Ангел благий явился еси и в дивнем твоём прославлении. Веруем от всея души и помышления, яко ты, благосердый наш помощниче и молитвенниче, твоими неложными ходатайствы и благодатию, обильно дарованною тебе от Господа, присно способствуеши нашему спасению. Приими убо, ублажаемый угодниче Христов, и в час сей наша недостойная моления: свободи ны твоим заступлением от облагающаго нас суесловия и суетумудрия, неправоверия и зловерия человеческого. Потщися, скорый о нас

предстателю, благоприятным твоим ходатайством умоли Господа да проявит Своя великия и богатая милости на нас грешных и недостойных рабех Своих, да уврачует Своею благодатию неисцельныя язвы и струпы растленных душ и телес наших, да растворит окаменелая сердца наша слезами умиления и сокрушения о премногих согрешениях наших и да избавит ны вечных мук и огня геенскаго; всем же верным людям Своим да дарует в нынешнем веце мир и тишину, здравие и спасение и во всем благое поспешение, да тако, тихое и безмолвное житие поживше во всяком благочестии и чистоте, сподобимся со Ангелы и со всеми Святыми славить и воспевати всесвятое Имя Отца и Сына и Святаго Духа, во веки веков. Аминь.

В ОТЧАЯНИИ

***Святителю ИОАННУ Златоустому,
архиепископу Константинопольскому***
Тропарь, глас 8:

Уст твоих, якоже светлость огня возсиявши, благодать вселенную просвети: не

сребролюбия мирови сокровища сниска, высоту нам смиренномудрия показа, но, твоими словесы наказуя, отче Иоанне Златоусте, моли Слова Христа Бога спастися душам нашим.

Кондак, глас 6:

От Небес приял еси Божественную благодать и твоими устнами вся учиши покланяться в Троице единому Богу, Иоанне Златоусте, всеблаженне преподобне, достойно хвалим тя: еси бо наставник, яко Божественная являя.

Молитва

О, святителю великий Иоанне Златоусте! Ты многая и различная дарования от Господа приял еси, и яко раб благий и верный, вся данная тебе таланты добре умножил еси: сего ради воистинну вселенский учитель был еси, яко всяк возраст и всяко звание от тебе получается. Се бо отроком послушания образ явился еси: юным — целомудрия светило, мужем — трудолюбия наставник, старым — незло-

бия учитель, иноком — воздержания правило, молящимся — вождь от Бога вдохновенный, мудрости ищущим — ума просветитель, витиям доброглаголивым — слова живаго источник неисчерпаемый, благотворящим — милосердия звезда, начальствующим — правления мудраго образ, правды ревнителем — дерзновения вдохновитель, правды ради гонимым — терпения наставник — всем вся был еси, да всяко некия спасеши.

Над всеми же сими стяжал еси любовь, яже есть союз совершенства, и тою, яко силою Божественною, вся дарования в души твоей во едино совокупил еси, и ту-южде любовь, разделенная примиряющую, в толковании словес апостольских всем верным проповедал еси.

Мы же грешнии, по единому кийждо свое дарование имуще, единения духа в союз мира не имамы, но бываем тщеславни, друг друга раздражающе, друг другу завидяще: сего ради дарования наша разделенная не в мир и спасение, но во вражду и осуждение нам преложишася. Темже к тебе, святителю Божий, припадаем, раз-

дором обуреваемы, и в сокрушении сердца просим: молитвами твоими отжени от сердец наших всяку гордость и зависть, нас разделяющая, да во мнозех удех едино тело церковное невозбранно пребудем, да по словеси твоему молитвенному возлюбим друг друга и единомыслием испове-мы Отца и Сына и Святаго Духа, Троицу Единосущную и Нераздельную, ныне и присно и во веки веков. Аминь.

**ОБ ИЗБАВЛЕНИИ
ОТ МЫСЛЕЙ О САМОУБИЙСТВЕ
Пресвятой Владычице нашей Богоро-
дице и Приснодеве Марии, ради Ея
честныя иконы, именуемой
«СТРАСТНАЯ»**

Тропарь, глас 4:

Днесь возсия неизреченно царствующему граду нашему Москве икона Богоматере, и, яко светозарным солнцем, пришествием тоя озарися весь мир, Небесныя силы и души праведных мысленно торжествуют, радуящися, мы же, на ню взирающе, к Богородице со слезами вопием: о Всемиловитая Госпоже, Влады-

чице Богородице, молися из тебе воплощенному Христу Богу нашему, да подаст мир и здравие всем христианом по велицей и неизреченной Своей милости.

Кондак, глас 3:

Благодать прияхом нетления, еже даровала еси нам, спасительного твоего целения чудотворным Твоим образом честным, Богородице Дево, темже вопием Ти и с радостию зовем, Госпоже Царице, молимся умильно, грешнии, со слезами глаголюще: о Пресвятая Владычице, скорое нам яви заступление и помощь, спаси ны от супостат наших и от всякия скорби соблюди, землю нашу миром огради, и вся люди Твоя покрый, и соблюди на тя уповающие потщися избавити, да не погибнем зле, раби Твои, но да зовем Ти: радуйся, Невесто Невестная.

Молитва

О, Пресвятая Госпоже, Владычице Богородице, вышши еси всех Ангел и Архангел и всея твари честнейши. Помощь

ница еси обидимых, ненадеющихся наде-
яние, убогих Заступница, печальных уте-
шение, алчущих кормительница, нагих
одеяние, больных исцеление, грешных
спасение, христиан всех поможение и за-
ступление.

О, Всемиловитая Госпоже, Дево Бо-
городице, Владычице, милостию Твоею
спаси и помилуй раб Твоих, Великаго Гос-
подина и отца нашего Святейшаго Патри-
арха (имя рек), и преосвященные митро-
политы, архиепископы и епископы, и весь
священнический и иноческий чин, Бого-
хранимую страну нашу, военачальники,
градоначальники и христолюбивое воин-
ство и доброхоты, и вся православная
христианы ризою Твоею честною защити,
и умоли, Госпоже, из Тебе без семене воп-
лотившагося Христа Бога нашего, да пре-
пояшет нас силою Своею свыше на неви-
димыя и видимыя враги наша.

О, Всемиловитая Госпоже, Владычи-
це Богородице, воздвигни нас из глубины
греховныя и избави нас от глада, губитель-
ства, от труса и потопа, от огня и меча, от

нахождения иноплеменных и междоусоб-
ных брани, и от напрасныя смерти, и от
нападения вражия, и от тлетворных ветр,
и от смертоносныя язвы, и от всякаго зла.
Подаждь, Госпоже, мир и здравие рабом
Твоим, всем православным христианом,
и просвети им ум и очи сердечныя, еже ко
спасению, и сподоби ны, грешныя рабы
Твоя, Царствия Сына Твоего, Христа Бога
нашего, яко держава Его благословена и
препрославлена, со Безначальным Его
Отцем, и с Пресвятым и Благим и Живот-
ворящим Его Духом, ныне, и присно, и во
веки веков. Аминь.

**ОБ УМИРОТВОРЕНИИ ВРАЖДУЮЩИХ
И ПРИ ЗАЩИТЕ ОТ НАПАСТЕЙ
ЗЛЫХ ЧЕЛОВЕК**

***Пресвятой Владычице
нашей Богородице и Приснодеве
Марии, ради Ея честныя иконы, име-
нуемой «УМЯГЧЕНИЕ ЗЛЫХ СЕРДЕЦ»***

Тропарь, глас 5:

Умягчи наша злая сердца, Богороди-
це, и напасти ненавидящих нас угаси, и
всякую тесноту души наша разреши, на

твой бо святыи образ взирающе, Твоим страданием и милосердием о нас умиляемся и раны Твоя лобызаем, стрел же наших, Тя терзающих, ужасаемся. Не даждь нам, Мати Благосердая, в жестокосердии нашем и от жестокосердия ближних погибнути, Ты бо еси воистинну злых сердец умягчение.

Кондак, глас 2:

Благодатию Твоею, Владычице, умягчи сердца злодеев, низпосли благодетелей, соблюдающих их от всякаго зла, благомолящимся Ти усердно под честными иконами Твоими.

Молитва

О, Многоскорбная Мати Божия, превышшая всех дщерей земли по чистоте Своей и по множеству страданий, Тобою на земли пренесенных! Приими многоболезненная воздыхания наша и сохрани нас под кровом Твоея милости, инаго бо прибежища и теплаго предстательства, разве Тебе, не вемы, но, яко дерзновение имущи к иже от Тебе Рожденному,

помози и спаси ны молитвами Своими, да
непреткновенно достигнем Царствия Не-
беснаго, идеже со всеми святыми будем
воспевати хвалу в Троице Единому Богу,
всегда, ныне, и присно, и во веки веков.
Аминь.

**О ПРЕОДОЛЕНИИ СТРАСТИ
ПЬЯНСТВА И ЗАПОЯ**

Преподобному МОИСЕЮ Муруну

Кондак, глас 4:

Мурины заушив и лица демонов попле-
вав, мысленно просиял еси, якоже солн-
це светлое, светом жития твоего и учени-
ем наставляя души наша.

Молитва

О, великая сила покаяния! О, неизме-
римая глубина милосердия Божия! Ты,
преподобне Моисее, был прежде разбой-
ником, но ужаснувшись своих грехов, вос-
корбел о них и в раскаянии пришел в мо-
настырь и там в великом плаче о своих
бывших беззакониях и в трудных подви-
гах поста и молитвы проводил дни свои
до кончины и удостоился Христовой бла-
годати прощения и дара чудотворения.

О, преподобне, ты от тяжких грехов достиг пречудных добродетелей! Помоги и молящимся тебе рабам Божиим, влекомым в погибель от безмерного вина употребления, повреждающего бессмертную душу и тело — храм Духа Святаго. Склони на них свой милостивый взор и не презри их, но внемли им, прибегающим к тебе. Моли, святе Моисее, Владыку Христа, да Он, Милосердый, не отвергнет их бессильных и несчастных, погибающих от страсти чрезмерного винопития, и да не возрадуется диавол их гибели, ибо все мы, яко создания Божии, искуплены Пречистой Кровию Сына Его. Услышь же, преподобне Моисее, молитву их и нашу. Отгони от них диавола, даруй им силу победить страсть их, приведи их на путь добра, свободи от рабства страstem, избавь от пагубы безмерного винопития, дабы, обновленные, в духовном трезвении и светлом уме, возлюбили они всяческое воздержание и благочестие и вечно прославляли Спасающего всегда создания Свои Всеблагаго Бога, Ему же подобает слава, честь и поклонение во веки веков. Аминь.

Мученику ВОНИФАТИЮ

Тропарь, глас 4:

К сословию послан мучеников, мученик был еси истинен, пострадав за Христа крепчайше, всехвальне, мощми же возвратился еси верою пославшей тя, Вонифатие блаженне, моли Христа Бога прияти нам грехов прощение.

Кондак, глас 4:

Священие непорочное самовольне Тебе привел еси, Иже от Девы тебе ради родиться хотящему, святе венченосче, премудре Вонифатие.

Молитва

О, святой страстотерпче Христов, воине Царя Небеснаго, земная сладострастия презревый и к горнему Иерусалиму страданием возшедый, мучениче Вонифатие! Услыши мя грешнаго, приносящаго от сердца молебная пения, и умоли Господа нашего Иисуса Христа простити вся моя согрешения, в ведении и в неведении мною содеянная.

Ей, мучениче Христов, образ покаяния собою показавый грешным! Будь ми на злаго сопротивника диавола твоими молитвами к Богу помощник и заступник; много бо порывахся избегнути сетей его лукавых, но удицею греховною уловлен и крепко влачим от него, не мог избавитися, аще не ты предстанеши ми, во обстояниих горькая терпящему, и колико покушахся покаяться, но ложь пред Богом бых. Сего ради к тебе прибегаю и молюся: спаси мя, святче Божий, от всех зол твоим предстательством, благодатию же всесильного Бога, Отца, и Сына, и Святаго Духа, ныне и присно и во веки веков. Аминь.

**ПРИ ОБУРЕВАНИИ
ПЛОТСКОЙ СТРАСТИЮ
Преподобному МАТИНИАНУ
Тропарь, глас 8:**

Пламень искушений слез теченьми погасил еси, блаженне, и, морская волнения, и зверей стремления обуздавый, взывал еси: препрославлен еси, Всесильне, огня и бури спасый мя.

Кондак, глас 2:

Яко подвижника благочестия искусна,
и страдальца произволением честного, и
пустыни жителя и всельника, в песнях
достойно восхвалим Мартиниана присно-
честного: той бо змия попра.

Молитва

О, преподобне Мартиниане! С усердием, верою и благоговением молим тя: помози нам, одержимым страстию плотскою, истреби ю в нас, прохлади и ороси сердце наше, и молись за нас грешных Господу, да милостив будет нам, подавая свыше силу и терпение.

О, дивный угодниче Христов, сам некогда будучи сжигаем похотию телесною, сухой хворост воспламенил и в огонь пылающий вошел еси, и тако страсть мерзкую погасил еси. Помози же и нам, борющимся со страстию, и прекрати борьбу плоти нашея, да и мы в безмятежности, чистоте и целомудрии проживем и возблагодарим и прославим Христа, Спаса и Бога нашего, со Безначальным Его Отцем,

и с Пресвятым, и Благим, и Животворящим Духом, ныне и присно и во веки веков. Аминь.

Мученице ФОМАИДЕ

Молитва

О всехвальная мученице Фомаидо! За чистоту супружества даже до крове подвизавшись и целомудрия ради душу свою положивши, достойна пред Господом обрелася еси, во еже в лице преподобных дев почтенней тебе быти. Услыши нас молящихся тебе, и якоже древле бориими от плоти целительницу тя имеяху, по дарованней тебе от Бога благодати, сие и ныне прибегающим ко предстательству твоему подаждь отраду и освобождение от плотския брани, и целомудренное житие и незазорное в супружестве и девстве пребывание твоими Богоприятными молитвами всем исходатайствовать потщися, яко да телеса наша храм живущаго в нас Святаго Духа будут.

О, избранная в женах и верная раба Христова! Помози нам, да не погиб-

нем со страстями и похотями нашими, но да управимся умом нашим и укрепимся сердцем нашим во всяком благочестии и чистоте, славяще твою помощь и предстательство, благодать же и милость Троицаго Бога, Отца и Сына и Святаго Духа, во веки веков.

Преподобной МАРИИ Египетской
Кондак, глас 3:

Блудами первее преисполнена всяческими, Христова невеста днесь покаянием явися, ангельское жительство подражаючи, демона Креста оружием погубляет. Сего ради Царствия невеста явилася еси, Марие преславная.

Молитва

О, великая Христова угоднице, преподобная Марие! На Небеси Престолу Божию предстоящи, на земли же духом любви с нами пребывающи, имеющи дерзновение ко Господу, моли спасти рабы Его, к тебе с любовью притекающия. Испроси нам у Великомилостиваго Владыки и

Господа веры непорочное соблюдение, градов и весей наших утверждение, от глада и пагубы избавление, скорбящим — утешение, недугующим — исцеление, падшим — возстание, заблуждшим — разумление, в делах благих преспеяние и благословение, сиротам и вдовицам — заступление и отшедшим от сего жития — вечное упокоение, всем же нам в день страшного Суда одесную страны общники быти и блаженный глас Судии мира услышати: приидите, благословеннии Отца Моего, наследуйте уготованное вам Царствие от сложения мира, и тамо пребывания во веки получитьи. Аминь.

***ПРИ БЛУДНОМ СНОВИДЕНИИ
И В САМОМ ОСКВЕРНЕНИИ
Святому АНГЕЛУ-ХРАНИТЕЛЮ***

Тропарь, глас 6:

Ангеле Божий, хранителю мой святой, живот мой соблюди во страсе Христа Бога, ум мой утверди во истиннем пути, и к любви горней уязви душу мою, да тобою направляем, получу от Христа Бога велию милость.

Кондак, глас 4:

Явися мне милосерд, святыи Ангеле
Господень хранителю мой, и не отлучай-
ся от мене сквернаго, но просвети мя све-
том неприкосновенным, и сотвори мя до-
стойна Царствия Небеснаго.

Молитва

Святыи Ангеле, предстояи окаянной
моей души и страстной моей жизни, не
остави мене грешнаго, ниже отступи от
мене за невоздержание мое. Не даждь
места лукавому демону обладати мною,
насильством смертнаго сего телесе; укреп-
пи бедствующую и худую мою руку и на-
стави мя на путь спасения.

Ей, святыи Ангеле Божий, хранителю
и покровителю окаянных моя душа и
тела, вся мне прости, еликими тя оскор-
бих во вся дни живота моего, и аще что
согреших в прешедшую ночь сию, покрый
мя в настоящий день, и сохрани мя от
всякаго искушения противнаго, да ни в
коем гресе прогневаю Бога, и молися за
мя ко Господу, да утвердит мя в страсе

Своем и достойна покажет мя раба Своея
благости. Аминь.

**О ПРОГНАНИИ ВСЯКАГО
ЛУКАВАГО ДУХА**

Преподобному АНТОНИЮ Великому

См. стр. 63.

**Преподобному МАКАРИЮ
Великому, Египетскому**

Кондак, глас 1:

Блаженную жизнь скончав в житии с
мученическими лики, в земли кротких до-
стойно водворяешься, Богоносне Мака-
рие, и пустыню, якоже град, населив, бла-
годать приял еси от Бога чудес, темже ты
почитаем.

Молитва

О, преподобне отче Макарие! Молим
ты мы, недостойные, испроси предста-
тельством твоим у Всемилостиваго Бога
нашего нам здравие душевное и теле-
сное, тихое и богоугодное житие и доб-
рый ответ на Страшнем Суде Христове.
Угаси молитвами твоими разжжены стре-

лы диавольския, да не прикоснется нам злоба греховная, да благочестно скончавше временное житие, сподобимся наследовати Царствие Небесное и купно с тобою славити Отца и Сына и Святаго Духа во веки веков. Аминь.

***Преподобному НИКИТЕ Столпнику,
Переяславскому Чудотворцу***
Тропарь, глас 4:

Православным смыслом юношская возжеления возненавидев и доблественныя нравы восприим, врага победил еси, и во благоразумии Богу угодил еси, и свыше от Него прием дар чудес, бесы прогоняти, недуги исцеляти, Никито преславне, моли Христа Бога, да спасет души наша.

Кондак, глас 8:

Христа ради от твоих рабов нуждную смерть претерпел еси и венец нетления от Него восприял еси, приходящим же с верою от честнаго твоего гроба подаеши цельбы, о Никито преподобне, молитвенниче о душах наших.

Молитва

О всечестная главо, преподобне отче преблаженне, Никито преподобномучениче! Не забуди нищих твоих до конца, но поминай нас всегда во святых своих и благоприятных молитвах к Богу и не забуди присещати чад своих. Моли за ны, отче благий и избранниче Христов, яко имеяй дерзновение к Небесному Царю, и не премолчи за ны ко Господу, и не презри нас, верою и любовью чтущих тя. Поминай нас, недостойных, у Престола Вседержителя и не престай моляся за нас ко Христу Богу: тебе бо дана бысть благодать молиться за ны. Не мним бо тя мертва суща, аще бо и телом преставился еси от нас, но и по смерти убо жив пребываеши. Не отступай от нас духом, сохраняя и соблюдая нас от стрел вражиих и всякия прелести бесовския, заступниче и молитвенниче наш добрый. Аще бо и мощей твоих рака пред очима нашими видима есть всегда, но святая твоя душа со Ангельскими воинствы, со Бесплотными лики, с Небесными силами у Престола

Вседержителя Бога достойно веселится. Ведуще убо тя воистинну и по смерти жива суща, тебе припадаем, и тебе молимся, и мили ся деем, еже молитися о нас Всесильному Богу о пользе душ наших, и испроси нам время на покаяние и невозбранно прейти от земли на Небо и горьких мытарств, и воздушных князей, и вечныя муки избавитися нам, и Небесному Царствию наследником быти со всеми праведными, от века угодившими Ему, Господу нашему Иисусу Христу. Емуже подобает всякая слава, честь и поклонение со Безначальным Его Отцем и Святым Духом, ныне, и присно, и во веки веков. Аминь.

О СТЯЖАНИИ ПОКАЯНИЯ
Пресвятой Владычице нашей
Богородице и Приснодеве Марии,
ради Ея честныя иконы,
именуемой «СПОРУЧНИЦА ГРЕШНЫХ»

Тропарь, глас 4:

Умолкает ныне всякое уныние и страх
отчаяния исчезает, грешницы в скорби

сердца обретают утешение и Небесною любовью озаряются светло: днесь бо Матерь Божия простирает нам спасающую руку и от Пречистаго образа Своего вещает, глаголя: Аз Споручница грешных к Моему Сыну, Сей дал Мне за них руце слышати Мя выну. Темже, людие, обремененнии грехи многими, припадите к подножию иконы Ея, со слезами вопиюще: Заступнице мира, грешным Споручнице, умоли Матерними Твоими молитвами Избавителя всех, да Божественным всепрощением покрывает грехи наша и светлая двери райския отверзет нам, Ты бо еси предстательство и спасение рода христианскаго.

Кондак, глас 1:

Честное жилище бывшее неизреченнаго естества Божественнаго выше слова и паче ума и грешным еси Споручница, подаваеши благодать и исцеление, яко Мати всех Царствующаго: моли Сына Твоего получитьи нам милость в День судный.

Молитва

О Владычице Препоблагословенная, Защитнице рода христианскаго, прибежище и спасение притекающих к Тебе! Вем, воистинну вем, яко зело согреших и прогневах, Премилостивая Госпоже, рожденнаго плотию от Тебе Сына Божия, но имам многии образы прежде мене прогневавших Его благоутробие: мытари, блудницы и прочия грешники, имже дадеся прощение грехов их, покаяния ради и исповедания. Тыя убо образы помилованных очесем грешныя души моя представляя и на толикое Божие милосердие, оных приемшее, взирая, дерзнух и аз, грешный, прибегнути с покаянием ко Твоему благоутробию. О, Всемилоостивая Владычице, да подаси ми руку помощи и испросиши у Сына Твоего и Бога матерними и святейшими Твоими молитвами тяжким моим грехом прощение. Верую и исповедую, яко Той, Егоже родила еси, Сын Твой, есть воистинну Христос, Сын Бога Живаго, Судия живых и мертвых, воздаяй комуждо по делом его. Верую же

паки и исповедую Тебе быти истинную Богородицу, милосердия источник, утешение плачущих, взыскание погибших, сильную и непрестающую к Богу Ходатаицу, зело любящую род христианский, и Споручницу покаяния. Воистинну бо несть человеком иная помощи и покрова, разве Тебе, Госпоже Премилостивая, и никтоже, уповая на Тя, постыдися когда и, Тобою умоляя Бога, никтоже оставлен бысть. Того ради молю Твою неисчетную благодать: отверзи двери милосердия Твоего мне, заблуждшему и падшему в тимение глубины, не возгнушайся мене, сквернаго, не презри грешнаго моления моего, не остави мене, окаяннаго, яко в погибель злобный враг похитити мя ищет, но умоли о мне рожденнаго от Тебе милосердаго Сына Твоего и Бога, да простит великия моя грехи и избавит мя от пагубы моя; яко да и аз со всеми, получившими прощение, воспою и прославлю безмерное милосердие Божие и Твое непостыдное о мне заступление в жизни сей и в нескончаемом веце. Аминь.

**Пророку, Предтече и Крестителю
Господню ИОАННУ**

См. стр. 27.

Преподобной МАРИИ Египетской

См. стр. 110.

**ОБ ОСВОБОЖДЕНИИ ОТ ВЕЧНЫХ МУК
УМЕРШИХ БЕЗ ПОКАЯНИЯ**

**Преподобному ПАИСИЮ Великому
Молитва**

Страстей победителя, душам помощника, о всех молебника, всем спасения ходатая и наставника, из глубины сердца вздыхая, усердно и пламенно молим тя, Паисие Преподобне! Внемли и помози нам, не отринь и не презри нас, но абие услыши в смирении сердца притекающих к тебе. Ты, преподобне, к спасению ближних прилежно стремился и многих грешников к свету спасения привел еси. Подвиги чрезмерные успокоением считал по себе, пречудне, и, любовью ко Господу

всегда горя, явления Христа Спаса сподобился еси, и Ему, за людей Умершему, любовью подражая, и об отрекшихся от Христа молился еси. Услыши нас, Паисие прехвальне, ибо недостойны есмы молиться о даровании нам великой милости Господней, понеже грешны есмы, и уста оскверненные и сердца отягченные имеем, и под бременем прегрешений страждем, и не достигнет молитва наша до Господа. Сего ради помолися за нас мольбою твоею крепкою и Богоприятною, святой Паисие, да избавлены будут скончавшиеся без покаяния сродники, ближние и знаемые наши от муки вечная, и молитву твою во благоволении примет Спас наш и милосердие Свое вместо добрых дел их даст им, свободит их, веруем, от страданий и вселит в селениях праведных, и нас в покаянии скончаться удостоит, да прославим вкупе всесвятое и великолепое имя Отца, и Сына, и Святаго Духа, во веки веков. Аминь.

**ОБ ОСВОБОЖДЕНИИ
ОТ ВЕЧНЫХ МУК
УМЕРШИХ ИНОВЕРЦЕВ
И НЕКРЕЩЕННЫХ**

**Мученику УАРУ
Тропарь, глас 4:**

Воинством святых страстотерпец
страждущих законне, зря оных, показал
еси мужески крепость свою. И устремив-
ся на страсть волею, и умрети вожде-
ле за Христа, иже приял еси почестъ побе-
ды твоего страдания, Уаре, моли спасти-
ся душам нашим.

Кондак, глас 4:

Христу последуя, мучениче Уаре, Того
испив чашу, и мучения венцем увязеся, и
со ангелы ликовствуеши: моли непрестан-
но за души наша.

Молитва

О, святой мучениче Уаре досточуд-
ный, ревностию по Владыце Христу раз-
жигаем, Небеснаго Царя пред мучителем

исповедал еси и о Нем усердно пострадал еси, и ныне Церковь почитает тя, яко прославляемаго от Владыки Христа славою Небесною, Иже дарова тебе благодать великаго к Нему Дерзновения. И ныне предстоиши Ему со Ангелы, и в вышних ликуеши, и зриши ясно Святую Троицу, и Светом Безначальнаго Сияния наслаждаешься, вспомяни и наших сродников томление, умерших в нечестии, приими наше прошение, и якоже Клеопатрин род неверный молитвами твоими от вечных мук свободил еси, тако вспомяни елицы противобожне погребенныя, умершия некрещенными, потщися испросити оным от вечныя тьмы избавление, да вси едиными усты и едином сердцем восхвалим Премилосерднаго Творца во веки веков. Аминь.



СОДЕРЖАНИЕ

КАНОН ЗА БОЛЯЩЕГО	3
МОЛИТВЫ ЗА БОЛЯЩИХ	18
МОЛИТВОСЛОВИЯ СВЯТЫМ УГОДНИКАМ БОЖИИМ, ихже молитвами и предстательством облегчаются и исцеляются телесные болезни и душевные недуги страждущих христиан	27
ГОЛОВНЫЕ БОЛЕЗНИ	27
Пророку, Предтече и Крестителю Господню Иоанну	27
ГЛАЗНЫЕ БОЛЕЗНИ	29
Пресвятой Владычице нашей Богородице и Приснодеве Марии, ради Ея честныя иконы, именуемой «КАЗАНСКАЯ»	29
Пресвятей Владычице нашей Богородице и Приснодеве Марии, ради Ея честныя иконы, именуемой «ТИХВИНСКАЯ»	32
Мученику ЛОНГИНУ Сотнику	34
Праведному СИМЕОНУ, Верхотурскому Чудотворцу	35
Святителю АЛЕКСИЮ, митрополиту Московскому и всея России	38
Архангелу РАФАИЛУ	40
ЗУБНАЯ БОЛЬ	41
Священномученику АНТИПЕ	41
НЕМОТА	43
Преподобному Иоанну Рыльскому	43
БОЛЕЗНИ ЖЕЛУДКА, ГРЫЖА	46
Преподобному Феодору Студиту	46

УВЕЧЬЕ ИЛИ ИНАЯ БОЛЬ РУК	49
Пресвятой Владычице нашей Богородице и Приснодеве Марии, ради честныя Ея иконы, именуемой «Троеручица»	49
БОЛЕЗНИ НОГ	51
Праведному СИМЕОНУ, Верхотурскому чудотворцу	51
ЛИХОРАДКА	51
Мученице Фотине Самаряныне	51
Преподобному Василию Новому	52
ГОРЯЧКА	53
Первоверховному Апостолу ПЕТРУ	53
ГРУДНЫЕ БОЛЕЗНИ	55
Святому ДИМИТРИЮ, митрополиту Ростовскому	55
ЖЕНСКИЕ НЕМОЩИ	57
Преподобному Давиду Гареджийскому	57
РАССЛАБЛЕНИЕ ТЕЛА С БЕССОННИЦЕЙ, ПОТЕРЕЙ АППЕТИТА И ЛИШЕНИЕМ КАКИХ ЛИБО ЧЛЕНОВ	59
Преподобному Александру Свирскому	59
ПРОКАЗА	61
Мученице Агриппине	61
Преподобному Антонию Великому	63
БЕССОННИЦА	64
Преподобному Иринарху, Затворнику Ростовскому	64
Святым семи отрокам в Ефесе	66
ПАРАЛИЧ	67
Преподобному Иакову Железоборовскому	67


ПАДУЧАЯ БОЛЕЗНЬ	69
Мученику Виту	69
ОСПА	71
Мученику Конону	71
РАК	72
Пресвятой Владычице нашей Богородице и Приснодеве Марии, ради Ея честныя иконы, именуемой «Всецарица» («Пантанасса»)	72
ВООБЩЕ В БОЛЕЗНЕННЫХ СОСТОЯНИЯХ	74
Святителю Спиридону Чудотворцу, епископу Тримифунтскому	74
Мученице Параскеве, нарицаемой Пятница	77
Преподобному Пимену Многоболезненному	80
Великомученику и целителю Пантелеимону	81
Безсербренникам и чудотворцам Косме и Дамиану	83
Мученику Трифону	85
Архангелу Михаилу	87
О ТЕРПЕНИИ БОЛЕЗНЕЙ И НЕСЧАСТИЙ	88
Праведному Иову Многострадальному	88
ПРИ ОБУРЕВАНИИ ДУШИ НЕВЕРИЕМ	89
Апостолу Фоме	89
В БЕДАХ И СКОРБЕХ	91
Пресвятой Владычице нашей Богородице и Приснодеве Марии, ради Ея честный иконы, именуемой «Утоли моя печали»	91
Пресвятой Владычице нашей Богородице и Приснодеве Марии, ради Ея честныя иконы, именуемой «Всех скорбящих радость»	93

В УНЫНИИ И ПРИ БЕСНОВАНИИ	94
Святителю Тихону, епископу Воронежскому, Задонскому чудотворцу	94
В ОТЧАЯНИИ	96
Святителю ИОАННУ Златоустому, архиепископу Константинопольскому	96
ОБ ИЗБАВЛЕНИИ ОТ МЫСЛЕЙ О САМОУБИЙСТВЕ	99
Пресвятой Владычице нашей Богородице и Приснодеве Марии, ради Ея честныя иконы, именуемой «Страстная»	99
ОБ УМИРОТВОРЕНИИ ВРАЖДУЮЩИХ И ПРИ ЗАЩИТЕ ОТ НАПАСТЕЙ ЗЛЫХ ЧЕЛОВЕК ..	102
Пресвятой Владычице нашей Богородице и Приснодеве Марии, ради Ея честныя иконы, именуемой «Умягчение злых сердец»	102
О ПРЕОДОЛЕНИИ СТРАСТИ ПЬЯНСТВА И ЗАПОЯ	104
Преподобному Моисею Мурину	104
Мученику Вонифатию	106
ПРИ ОБУРЕВАНИИ ПЛОТСКОЙ СТРАСТИЮ ...	107
Преподобному Мартиниану	107
Мученице Фомаиде	109
Преподобной Марии Египетской	110
ПРИ БЛУДНОМ СНОВИДЕНИИ И В САМОМ ОСКВЕРНЕНИИ	111
Святому Ангелу-Хранителю	111
О ПРОГНАНИИ ВСЯКАГО ЛУКАВАГО ДУХА ...	113
Преподобному Антонию Великому	113

Преподобному Макарию Великому, Египетскому	113
Преподобному Никите Столпнику, Переяславскому Чудотворцу	114
О СТЯЖАНИИ ПОКАЯНИЯ	116
Пресвятой Владычице нашей Богородице и Приснодеве Марии, ради Ея честныя иконы, именуемой «Споручница грешных»	116
Пророку, Предтече и Крестителю Господню Иоанну	120
Преподобной Марии Египетской	120
ОБ ОСВОБОЖДЕНИИ ОТ ВЕЧНЫХ МУК УМЕРШИХ БЕЗ ПОКАЯНИЯ	120
Преподобному Паисию Великому	120
ОБ ОСВОБОЖДЕНИИ ОТ ВЕЧНЫХ МУК УМЕРШИХ ИНОВЕРЦЕВ И НЕКРЕЩЕННЫХ .	122
Мученику Уару	122

Подписано в печать 12.02.02 г.
 Формат издания 60х84/₃₂.
 Тираж 30 000 экз. Заказ № 295.

Отпечатано с готовых пленок заказчика
 в РГУП «Чебоксарская типография № 1».
 428019, г. Чебоксары, пр. И. Яковлева, 15.



Молитва Святому Духу

Царю Небесный, Утешителю, Душе истины, Иже везде сый и вся исполняй.

Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.